



18442


I


Mag. St. Dr.

P



18442





1.
Petr
0703

IURA
MUNICIPALIA
TERRARUM PRUSSIAE,
ET LEGES AD EAS TERRAS
PRIVATIM PERTINENTES.



THORUNII
excudebat AUGUSTINUS FERBERUS
ANNO DOMINI
M. DC. XII.

Bartholo Meieris.



18442.I

PRIVILEGIUM CULMENSE.

FRATER EBER-
HARDUS dictus de SEYNE, Præceptor Domus Sanctæ Mariæ Theutonicorum per Alemaniam, & vices gerens Magistri Generalis per Livoniam & Prussiam, Universis Christi fidelibus præsentem paginam inspecturis, orationes in Domino Jesu Christo.

Noverit Universitas vestra, quòd Nos, cum ad partes Prussiae pro negociis plurimis venissemus promovendis, inter alia, quæ nobis diffinienda occurrerunt, ibidem negocia, Cives Culmen ac Thorunen turbatos invenimus pro eorum Privilegio, quondam eis à Magistro nostro bonæ memoriæ Fratre HERMANNO dicto de SALCZA, & Fratre HERMANNO BALKONE, primo ejusdem Terræ Commendatore, donato, & postmodum per incendium Civitatis Culmensis amisso, Cujus rei veritatem à Fratribus nostris ac aliis viris honestis Nos plenius cognoscentes, de communi consilio Fratrum nostrorum ibidem existentium, pariter & consensu, dictos Cives lætificantes, Privilegium prædictum ipsis restaurandum duximus, in hunc modum.

2

FRATER HERMANNUS

Domus Hospitalis Sanctæ Mariæ Theutonicorum Jherosol. Magister, & FRATER HERMANNUS BALKO, ejusdem Ordinis in Prussia Provisor, necnon totus ejusdem Domus Conventus, universis Christi fidelibus, hanc paginam inspecturis, Salutem in vero Salutari.

Quanto plura quantoq; majora Culmen Terræ, ac præcipue Civitatum nostrarum incolæ, Culmenis scilicet & Thoruñ, tum pro Christianitatis defensione, tum pro Domus nostræ promotione, discrimina sustinebant, tanto ardentius atq; efficacius in omnibus, quibus cum Justitia possumus, eis adesse volumus & debemus. Hinc est, quod eisdem Civitatibus hanc indulgimus perpetualiter libertatem, ut earum Cives eligant sibi in iisdem Civitatibus singulos Judices annuatim, qui Domui nostræ & Communitati Civitatum competant earundem: Eisdemq; Judicibus celsimus perpetualiter de parte tertia mulctarum Judicialium, pro culpis majoribus pensatarum, poenam minorum excessuum, quæ Quotidiana dicitur, videlicet XII. nummos, & infra eis totaliter concedendo, Ita ut quicquid de talibus Judex infra tribunal indulserit, de quatuor solidis videlicet & infra, id etiam ex parte Domus nostræ sit indultum. Veruntamen de majoribus culpis, ut sunt homicidia, sanguinis effusio & his similia, Judex absq; Fratrum nostrorum assensu nihil remittat, Nos etiam partes illas, quæ Nos contigerint, in eisdem Judiciis vendere vel infeodare cuiquam non debemus.

Igitur

IGitur Civitati Culmen dedimus ad prata, pascua,
 & alios usus communes, à terminis cujusdam Villæ, quæ
 llt appellatur, per descensum Wislæ, usq; ad terminos
 cujusdam Lacus, qui dicitur Rensehe, & de ipso Lacu
 ascendendo usq; ad Villam, quæ Rude vocatur, & jux-
 ta terminos ejusdem Villæ usq; ad aliam Villam Luna-
 we dictam, & sic directè ad viam, quæ ducit ad Insu-
 lam S. Mariæ, per viam verò directè usq; ad terminos
 cujusdam Villæ, quæ Grobene dicitur, & sic ulterius
 ad Vallem, quæ Browina nuncupatur. Nec hoc ta-
 cendum est, quòd liberum erit piscari sæpedictis Civi-
 bus in prædicto Lacu, qui dicitur Rensehe, sicut & no-
 bis. Præterea supradicta Bona tam in sylvis, quàm in
 pratis & agris, cum omni utilitate, quam Domus nostra
 percipere posset exinde, dicti Cives in perpetuum libe-
 re possidebunt. Flumen verò Wislam à Villa quadam,
 quæ dicitur Topulna, per descensum, usq; ad Lacum,
 qui Rensehe vocatur, cum omni utilitate, exceptis In-
 sulis & Castoribus, ad communes usus piscandi, prædi-
 ctis Civibus & peregrinis duximus assignandum. Civi-
 tati verò Thoruñ idem Flumen in longitudine ac termi-
 nis Dñi Cujaviensis Episcopi ad unum milliare descen-
 dendo, & in terra in latitudine circa Wislam circun-
 quaq; per dimidium milliare, cum omni utilitate, exce-
 ptis Insulis & Castoribus, ad communes usus Civium
 & peregrinorum duximus assignandum.

STatuimus autem, in eisdem Civitatibus Jura Meg-
 deburgensia in omnibus sententiis in perpetuum obser-
 vari, hoc indulto, ut cum Reus aliquis Megdeburch i n
 sexaginta solidis puniri debeat, hic in triginta solidis

4

Culmenē monetæ multetur, Eodem modo in culpis aliis proportionaliter observando. Si verò aliquis dubitatis scrupulus de Jure judiciario, vel de Juris judiciarii sententiis Civitatibus emerferit, in eisdem idem Articulus à Culmensis Civitatis Consulibus requiratur, Quia eandem Civitatem Capitaalem esse volumus, ac digniorem inter alias jam constructas, & si quæ adhuc infra Wislam, Ozzam & Driwanzam construentur. Dicti verò Cives ac feudales earundem Civitatum de communi consensu cesserunt de Jure, quod in Wisla super Navigio hætenus habuerunt, Ipsum cum omni utilitate Domui nostræ liberè resignando, Hac tamen conditione præmissa, quòd Nos dictum Navigium pro Summa, quanta volumus & possumus, locare seu vendere debeamus hominibus, quibus voluerimus, qui in Civitatibus, Culmensi videlicet & Thorunensi, residentes Justiciam exhibeant unicuiq; & accipiant coram Civitatum Judicibus earundem, & naulum usq; ad præsens consuetum debeamus absq; augmento aliquo deinceps observare. Hyemali verò tempore, cum fuerit glacies, Fratres de consilio Judicum & Consulum earundem Civitatum naulum statuunt, ut eorum discretioni videbitur expedire. Statuimus etiam, ut omnes Clerici & viri religiosi, de quacunq; religione extiterint, absq; omni naulo perpetualiter cum rebus eorum, quas secum habuerint, traducantur. Quòd si quis ex ductoribus navium ex prædictis aliquem traducere ausu temerario contradixerit, leviori culpæ subiaceat, quali scilicet quatuor solidorum pœna consuevit ascribi.

PRomissimus etiam, ut in eisdem Civitatibus nul-
las

las domos emere debeamus; Si verò aliquis domum aut
aream suam Domui nostræ contulerit intuitu pietatis,
et ad alios usus construere non debeamus, nisi ad quos
aliquis ex civibus construit domum suam, & eadem
exinde jura & consuetudines observare, quæ & quas
alii de suis domibus observabunt. In his tamen Con-
ditionibus Munitiones nostras, quas in eisdem Civi-
tatibus jam habemus, volumus non includi.

Parochiam in Culmæ dotavimus quatuor mansis
juxta Civitatem, & aliis quadraginta, ubi eisdem fue-
rint demonstrati. Parochiam verò Thorunensem
dotavimus quatuor mansis juxta Civitatem, & aliis
quadraginta, ubi ei fuerint assignati. Et in eisdem
Ecclesiis Jus Patronatus nostræ Domui retinemus, eis in
Plebanis idoneis provisiuri. Cæterum si aliqua Para-
chia in Villis supradictorum Civium fabricata fuerint,
si cum Villarum singulæ earundem octuaginta mansos
vel amplius habuerint, promissimus Parochiarum quam-
libet prædictarum quatuor mansis de nostra speciali par-
te dotare, Et Jus Patronatus habebimus perpetuò indo-
tatis, eis etiam in idoneis Sacerdotibus provisiuri.

Ad hæc statuimus, ut si qua fortè quæstio contra
aliquem de Bonis suis orta fuerit, si possessor vicinos ac
alios contreraneos suos, quibus notum fuerit, rem ta-
liter se habere, & testimonium justæ possessionis ha-
buerit, potius debeat obtinere Bona illa, quam is, qui
eum impetit, ab ipso eadem Bona alienet. Absol-
vimus autem prædictos Cives ab omnibus Collectis in-
justis & hospitationibus coactivis alijsq; exactionibus
inde-

indebitis, ad omnia Bona eis attinentia hanc gratiam extendentes. Porro eisdem Civibus nostris vendidimus Bona sua, quæ à Domo nostra habere noscuntur ad hæreditatem flammingicalem, ipsis & eorum hæredibus utriusq; sexus, ea cum omnibus proventibus in perpetuum liberè possidenda, salvis tamen his, quæ Domui nostræ per totam Terram duximus retinenda. Retinemus enim Domui nostræ in Bonis eorum omnes lacus, castores, venas salis, auri argentiq; fodinas, & omne genus metalli, præter ferrum, Ita ut tamen inventor auri, siue is, in cuius Bonis inventum fuerit, idem Jus habeat, quod in Terra Ducis Slesię, in huiusmodi, talibusest concessum. Inventor autem argenti, siue is, in cuius agris inventum fuerit, Jus Fribergense in huiusmodi inventione perpetualiter obtinebit. Quod si Lacus aliquis ad tres tractus sufficiens agris alicujus prædictorum Civium adjunctus fuerit, si is, cuius agri sunt, eundem lacum loco agrorum acceptare voluerit, in sua ponimus optione. Si verò major fuerit, quocunq; instrumento in eo piscari voluerit, ad commodum duntaxat mensæ suæ, præter rete, quod Newod dicitur, habeat liberam facultatem. Item si rivus aliquis agros alicujus Civis attigerit, ei, cuius agri fuerint, solummodò molendinum ædificare liceat in eodem: Si verò idem fluvius aptus fuerit pluribus molendinis, Domus nostra in construendis eisdem aliis tertiam partem priorum sumptuum faciat, & percipiat perpetualiter tertiam partem usum de constructis. Volumus etiam, ut de qualibet fera, quam ipsi vel eorum homines ceperint, exceptis ursis, porcis, & capreolis, armum dextrum Domui nostræ reddere teneantur.

Sane

Sanè quod de Lacubus, molendinis seu feris posuimus,
ad illos duntaxat Cives extendimus, qui à Domo no-
stra, sicut supradictum est, hæreditati esse noscuntur.
Ipsis etiam hanc contulimus libertatem, ut Bona sua,
quæ à Domo nostra possident, vendendi talibus sanè,
qui Terræ ac Domui nostræ benè competant, habeant
facultatem, ita ut hi, qui ea emerint, de manu Fra-
trum suscipiant, & Domui nostræ ad idem jus idemq;
servitium teneantur, quod illi nobis exinde facere
debuerunt, & nos ea ipsis porrigere sine ulla difficultate
debemus.

Licentiamus etiam, si fortè aliquis
antedictorum Civium necessitatis causâ allodium su-
um, vel X. mansos ad majus, ab alijs Bonis suis separa-
re voluerit & vendere separatim, is idem jus idemq; ser-
vitium Domui nostræ debet facere de reliquo, quod
priùs de toto noscitur debuisse. Is verò, qui idem al-
lodium vel X. mansos emerit, debet ratione ejusdem al-
lodii, cum armatura, quæ Plata vulgariter dicitur, &
aliis levibus armis & uno equo, ad arma talia compe-
tente, Domui nostræ ad tale obsequium esse asstrictus,
quale inferiùs plenius describetur, Addentes, ut nul-
lus eorum, qui nunc à Domo nostra hæreditati esse no-
scuntur, hæreditatem aliquam possit emere præter u-
nam.

Statuimus siquidem, ut, quicumq; XL. man-
sos vel amplius à Domo nostra emerit, is cum plenis
armis & dextrario operto, & armis talibus competen-
te, & aliis duabus ad minus equitet.

Qui verò
pauciores mansos habuerit, cum Plata & aliis leviori-
bus armis, & uno equo, ad arma talia competente, de-
bet cum Fratribus nostris in expeditionem, quoties ab
eis requisitus fuerit, pergere contra Pruthenos, qui Po-

mezani largo vocabulo nuncupantur, & contra omnes
 Terræ Culmensis turbatores. Cum verò præfati Po-
 mezani in Terra Culmensi, præstante Domino, fuerint
 ulteriùs meritò non timendi, omnes Cives prædicti ab
 omnibus expeditionibus sunt exempti; ad defensionem
 tamen Terræ, videlicet usq; ad Willam, Ozzam & Dri-
 wanzam cum Fratribus procedere tenebuntur, ut præ-
 dictum est, contra Terræ quoslibet invasores. Item
 statuimus, ut quilibet homo, hæreditatem à Domo no-
 stra habens, Fratribus nostris solvat exinde unum num-
 mum Coloniensem, vel pro eo quinque Culmenses &
 pondus duarum marcarum ceræ, in recognitionem do-
 minii, & in signum, quòd eadem Bona sua habet à Do-
 mo nostra, & nostræ debeat jurisdictioni subesse, &
 Nos eum favorabiliter confovendo contra eos, qui sibi
 injuriam intulerint, debemus, in quantum possumus,
 nostrum præsidium impartiri. Prædictum autem
 censum singulis annis in die Beati Martini, vel ab ipso
 ad XV. dies dare debent. Quicumq; autem in prædi-
 cto termino non dederit censum suum, taliter puniatur:
 Post primos XV. dies in X. solidis; Elapsis verò aliis
 XV. nisi persolverit, X. solidorum debito sit astri-
 ctus; Item evolutis aliis XV. diebus tertio in aliis X.
 solidis, si non solverit censum suum, puniatur, Et
 tunc pro his XXX. solidis, & pro censu suo tempore
 non soluto, ejus pignora, sine omni contradictione,
 accipi faciet, & habebit accepta, donec ei satisfaciat,
 Domus nostra. Item si fortè aliquis debitum ob-
 sequium suum, quod Domui nostræ debere dignoscitur
 in expeditionibus peragendis, non impenderit, &
 absens fuerit, Provisor Terræ de Bonis absentis alium
 statuatur

statuat loco sui, sic ut Domus nostra sui juris in hac parte sentiat nullatenus detrimentum. Item statui-
mus, ut si fortè aliquis ex supradictis Civibus recedens à Terra pactiones suas Domui nostræ non fuerit prosequutus, eidem infra XVIII. septimanas tres termini cum sententia præfigantur; Quòd si infra easdem XVIII. septimanas non satisfecerit, poenæ XXX. solidorum nostræ Domui reddendorum subjacebit; Et si nec tunc emendaverit, singulis sex septimanis ad satisfactionem in totidem Culmensis monetæ solidis compellatur; Si verò infra annum neglexerit emendare, Domus nostra se de omnibus Bonis suis, donec satisfaciat ei de omnibus, intromittat. Volamus autem, ut de Bonis prædictorum Civium, de quolibet aratro Theutonicali unus modius tritici, & unus filiginis in mensura Wladislaviens, quæ vulgari nomine Escheffel dicitur, cui mensura Culmensis est adæquata, Et de Polonicali aratro, quod Hase dicitur, unus modius tritici, in eadem mensura annuatim Diocesis Episcopo pro Decimis persolvatur. Si verò idem Episcopus prædictos homines pro aliis Decimis angariaverit, pro his Domus nostra tenebitur respondere. Item statuimus, ut una moneta, Culmensis videlicet, sit per totam Terram, & ut de puro & mundo argento denarii fabricentur, Ipsi quoq; denarii in tanto valore perpetualiter perseverent, ut eorum LX. solidi ponderent unam Marcam, Et dicta moneta non nisi semel in singulis decenniis renovetur, & quoties renovata fuerit, XII. novi nummi pro XIII. veteribus cambiantur, ut unusquisq; liberè emat quamcunq; rem, quæ venalis in foro portari consuevit. Item quantitatem mansorum juxta mo-

rem flammingicalem statuimus observari. Absolvimus etiam totam Terram prædictam ab omni penitus telonei exactione.

Et ne præmissæ Constitutiones, promissiones ac pactiones ab aliquo Successorum nostrorum infringi valeant aut mutari, præsentem paginam conscribi fecimus, eam bullarum nostrarum appensionibus roborando.

Hujus rei testes sunt Fratres nostri Popode Osterna, Albertus de Langenberch, Theodoricus Marschalcus, Berlewinus in Culmne, Ludowicus in Quidzin Provisores; Seculares verò Burchardus Burggravius Megdebergensis, Joannes de Pach, Fridericus de Scherwest, Bernhardus de Kamenz, & alii quamplures, tam religiosi, quàm seculares.

Acta sunt hæc in Thorun Anno incarnationis Dominicæ Millesimo Ducentesimo trigesimo tertio, Quinto Calendas Januarii.

Quoniam igitur hoc Privilegium per Nos Fratrem Eberhardum de Seyne est renovatum, de consilio Fratrum nostrorum, Civiumq; sæpèdictorum consensu, quædam in eo sunt mutata, articulis scilicet quibusdam exceptis, & quibusdam interpositis, qui in Privilegio non continebantur antiquo.

Ut autem hæc nostra felix donatio firma & inconcussa permaneat, nec in posterum ab aliquo possit infringi; Cives quoq; dicti super hac sui mutatione Privilegii nullum penitus gravamen sustineant, præsentem paginam Sigilli nostri munimine roboramus.

Huius rei testes sunt Fratres nostri, Ludowicus Provisor Prussię, Henricus Commendator Terræ Culmensis, Henricus Marschalcus, Henricus Stango in Christeburch, Harth-

mundus.

mundus in Elbingo, Mengotus in Balga, Quhalo in Zantir, Joannes in Culm̃e, Ravino in Thorun, Hertwicus in Redino Commendatores, Fratresq; Domus Seniores, Theodoricus de Sulinge, Conradus de Norenberch, Volpertus de Marpurg, Henricus de Moguntia: Seculares verò Joannes Scultetus, Reinico, Razo, Radolphus, Ludeko, Eckehardus, Wasmundus, Cives Culmenfes: Feodales verò Hildebrandus senior, Gotfridus, Fridericus de Neu, Wilhelmus, Hermanus Schultetus in Thorun, Dithardus, Conradus, Lampertus, Lutdechus, & alii quamplures, tam Religiosi quàm Seculares. Datum in Culm̃e Anno incarnationis Dominicæ Mil efimo, Ducentesimo, Quinquagesimo Primo, Calendis Octobris, etc.

PRIVILEGIUM
TERRARUM PRUSSIAE,
à D. CASIMIRO
POLONIAE REGE,

*earum Incolis, cum excusso Cruciferorum
jugo in sua essent potestate, & spontanea
neam deditionem fecissent,
concessum.*

IN Nomine DOMINI. Amen. Ad perpetuam rei
memoriam. Nos CASIMIRUS Dei gratia Rex Po-
loniæ, necnon Cracoviæ, Sandomiriæ, Siradiæ, Lan-
B 3 ciciæ,

ciciæ, Cujaviæ, Magnus Dux Lithvaniæ, Russiæ, Prus-
siæq; Culmensis, Kynsbergensis, Elbingensis, & Po-
meraniæ Terrarum Dominus & Hæres: B. nigni-
tas Regalis excellentiæ nostræ, quam illi propicia inspi-
rat divinitas, & naturalis originalisq; præstat insti-
tus, Etsi universos, justum præsidium nostrum & tu-
telam expetentes in sinum miserationis & protectionis
suscipit; ad illorum tamen profectus, defensionem &
commoda inclinatur uberius, qui erga Nos & Regnum
nostrum tam fervido cordis feruntur affectu, ut calami-
tates oppressionesq; suas hætenus illis regentium ty-
rannide multifariè illatas, Non per alterius nisi per no-
stram dextram credant facilius rescindi, nec cuiuspiam
throno, quàm nostro, à quo priscis temporibus illicita
alienatione exciderant, justius posse & regi & conti-
neri, non tam superbo & avaro, quàm injusto renun-
ciando imperio; Talium siquidem firma constantia fi-
desq; sincera non solum dignis laudum præconiis attol-
li, verùm etiam Regalium meretur & debet beneficiis
compensari. Significamus itaq; universis tam præsen-
tibus quàm futuris, qualiter Etsi Prælatorum Spiritua-
lium & Secularium, Magnificorum, Strenuorum, No-
bilibium, Militarium & prudentium, videlicet Terrigena-
rum, Civium & universæ Communitatis Terrarum Prus-
siæ, Culmensis, Kynsbergen, Elbingen, & Pomeraniæ,
crebris precibus & legationibus superioribus tempori-
bus fuisset rogati, quatenus ipsos in eorum iuribus,
libertatibus, immunitatibus & Privilegiis, Et signanter
in Unione & Liga, per ipsos ritè & sincerè inita & con-
dita, per Magistrumq; & Ordinem Prussæ admissa,
ad cu-

ad cuius enervationem & violationem Magister & Ordo variis viis, coloribus & violentiis hactenus usus est, In quorum firmitate vel collapsu foedus pacis perpetuæ, cum Magistro & Ordine Cruciferorū Sanctæ Mariæ de Prussia, per germanum nostrum Divæ memorię Serenissimum Principem Dominum W^LA^DI^SL^AU^M Poloniæ & Hungariæ Regem firmatum, subsistentia dependet vel ruina, & quod præfatus Magister & Ordo, Liga & Unione eorum demolita, dirumpere, novaque bella nobis & Regno nostro inferre destinabant, Ipsosq; Militares & Cives injusta secum gerere bella impellebant, manutenere & defensare dignaremur: Asserentes, se jugum oppressionum, calamitatum & gravaminum, hactenus à Magistro & Ordine cervicibus eorum violenta tyrannide innexum, & præfatæ Unionis & Ligæ rupturam nullatenus, nisi provisio nostra, qui Ordinis illius fundator, dotator & Patronus sumus, celeriter intervenerit, tolleraturos: Nos tamen nullum eorum calamitati præstandum censuimus suffragium, Sed parti utrique reconciliationi persuasimus esse insistendum, ne alere oriens incendium videremur.

Verum cum temporis processu differentia partium adeò crescendo invalesceret, ut Prælati Spirituales & Seculares, Militares, Terrigenæ & Cives Terrarum prædictarum, spe extrema destituti, & injuriarum magnitudine pressi, violentis dominis, Jura & Privilegia atq; immunitates eorum pro libitu frangentibus, nullatenus sibi de cætero parendum duxerunt, sed Legibus divinis & humanis innixi, quæ injustis Dominis, scelus & nepharias agentibus, nullatenus parendum decernunt: Obedientia & subjectione Magistro & Ordini subtra-

eta, Nos per Magnificos & Spectabiles milites, Prudentesq; viros Joannem de Bayſen, Auguſtinum de Sche-
 we, Gabrielem de Bayſen, Nicolaum de Wolkowo
 Judicem Dirſchovieñ, Laurentium Czeitſ Culmeñ,
 Ruthigerum de Birken Thoruneñ, Laurentium Pilgrim
 Elbingeñ Præconſules, Joannem Call Brunſparieñ, Gre-
 gorium Schwach Crolowgrodeñ, Nicolaum Rode-
 man de Knypow, Wilhelmum Jordan militem, &
 Joannem Meidburg Gedanenſes Conſules, ambafiato-
 res & nuncios ſuos cum pleno mandato & legatione,
 ad nos tranſmiſſos novis precibus & legationibus ſolli-
 citarent, Quatenus non jam tantum eorum deſenſioni,
 quantum gubernationi & regimini inſiſtere, deditio-
 nemq; eorum, ſubjectionem, fidelitatem & perpetu-
 am obedientiam, quam Nobis ſuo & omnium Præla-
 torum Spiritualium & Secularium, Militarium, Ter-
 rigenarum, Civium & Incolarum Univerſitatis totius
 Terrarum prædictarum nominibus obtulerunt, ſuſcipe-
 re, velut legitimus, juſtus & verus Dominus & Hæ-
 res Terrarum prædictarum, ac Terras præfatas ad na-
 turam & ſortem ſuam redeunt, Regno Poloniæ, à cu-
 jus corpore, nova & recenti memoria, contra juſ
 phasq; ſequeſtrata fuerant, Incorporare, inviſcerare,
 reunire, appropriare atque conſociare & conſolidare
 dignaremur; Alterius principatum & deditio-
 nem, ſi regimen, ſi imperium, non tam per eos Nobis delatum
 quàm redditum, abjici contingeret, quæſituri.

Nos ſuperiora cogitatione & animo revolventes
 tempora, quibus nonnullæ ex Terris prædictis per Reges
 & Principes Poloniæ jure legitimo & hæreditario poſ-
 ſeſſæ,

fesse, tandem prædecessori nostro WLADISLAW Regi Po-
 loniæ, bello cum finitimis & infidelibus occupato, vi
 & armis per Magistrum & Ordinem Prusiæ abstractæ,
 nunquam juris & proprietatis Regni nostri Poloniæ es-
 se desierant; Quemadmodum aliquot Sedis Apostolicæ
 Delegatorum, Terras ipsas Regno Poloniæ adjudican-
 tium, diffinitivæ Sententiæ infallibili concludunt ar-
 gumento: Revolventes insuper, Magistrum &
 Ordinem Prusiæ à prædecessoribus quondam nostris
 Poloniæ Principibus & Dominis ad impugnationem in-
 fidelium accersitum, institutum & dotatum, magis fi-
 delium & præsertim eorum Principum, quorum benefi-
 cio instituti dotatiq; erant, quàm barbarorum & infi-
 delium impugnationi, contra quos se indefessè milita-
 turos patentibus literis astrinxerant, vacavisse, Ter-
 rasq; eorum usurpasse, Nec juxta professionem religio-
 nis suæ contra infideles Tartaros aut Turcos, Catholi-
 ca Regna & Dominia infestantes, quamvis eorum cre-
 bro expetiturum fuisset auxilium, militasse: Sed & in-
 super Reges Poloniæ cum Tartaris aliisq; infidelibus bel-
 la gerentes à tergo invasos à gerendo bello in præsens &
 posterum cum infidelibus avertisse, & suspicionem bel-
 li ab illis imminenti veritos, potentiis distractis & con-
 tra illorum insidias relictis, vacare infidelium impugna-
 tioni nullatenus, sicut expediebat Christianæ fidei, po-
 tuisse: Quàm insuper fragili & fluxa fide erga
 clarissimum genitorem nostrum Dominum WLADI-
 SLAW Poloniæ Regem fuerint, quater per ipsos ru-
 pta violataq; fœdera, totiesq; Regno Poloniæ per eos
 illata arma, quibus Regnum Poloniæ in suam redigere

ditionem destinaverant, nisi cladibus multiplicibus obruti domitiq; fuissent: Nec unquam illis voluntatem, Nos & Regnum Poloniæ laceffendi, sed facultatem defuiss, petita per illos à Concilio Basiliens & Sede Apostolica, de rumpendo foedere, ultimò cum Regno nostro sancito, licentia demonstrant.

Silentio tegere non possumus injuriam Magistri & Ordinis Prussie in exigenda à Mercatoribus subditisque nostris Dacia, Sunt q; os/ quæ licet ex foedere exigì à nostris transmari- nisq; mercatoribus non debebat, si Prussie mercatores ab illa solvi quoquo modo contigisset: Continuata tamen fuit pluribus annis hujusmodi in nostris transmari- nisq; mercatoribus exactio, Prussie mercatoribus il- lius obtineatibus in notabili parte relaxationem.

Portiones & sortes Terrarum Regni nostri Poloniæ & Ducatus Magni Lithvaniæ, priscis temporibus per Magistrum & Ordinem occupatas, non solum Nobis, Regno Poloniæ, & Ducatui Magno Lithvaniæ juxta foederis ordinationem Magister & Ordo Prussie non restituit, sed insuper plura & ampliora occupavit.

Accedit tristis horrendaq; Tyrannidis memoria, Ci- vium de Chosczo, qui in præterito bello in fidem Pa- tris nostri concesserant, sæva cædes & trucidatio, quo- rum à se defectionem nedum ferro aut mucrone, sed nec aliquo levi verbo aut memoria ullo unquam tempore se- juramento corporali & literis repromiserunt, per foe- dus ultimò cum illis ictum, & quod solo hujusmodi exo- crando scelere publicè violarunt, mulctaturos.

Quo non contenti, Mercatorem Virum Moszier ex eo, quod navigijs per flumen VVila in Cracoviam,

merces

merces devexerat, capitali damnaverunt sententia; ne memorabilis sui facti exemplum ceteros in sequelam similem traheret, sed potius sæva mulctatio quoslibet deterrendo profectum Regni nostri aboleret.

His itaq; & pluribus aliis evidentibus legitimisque respectibus persuasi, admoniti & inducti, communicato cum Prælati, Principibus, Baronibus, cæterisque Regnorum, Ducatum & Dominiorum nostrorum consilio, ac de eorum expressa voluntate, approbatione, gratificatione & consensu, ne divinæ voluntati, quæ hæreditatem nostram occupatione illicita solvendam nobisq; reddendam pia miseratione censuit, videamur resistere, & calamitosi afflictisq; subditis nostris opem, nostram implorantibus deesse: Veritiq; ne Dominia, sortes & Terras & hæreditates nostras alius illicitus occupator Tyrannusq; ex quo nobis hostilitas major consurgeret, invadat: Ad honorem omnipotentis Dei, ejusq; genitricis Virginis Mariæ, S. Adalberti Martyris, Sancti Stanislai Prothomartyris Poloniae ac totius Ierarchiæ coelestis, præfatorum Prælatorum Spiritualium, & Secularium, Militarium, Civium, Terrigenarum & omnium Incolarum Terrarum Prusiae, Culmenfis, Kynsbergen, Elbingen & Pomeraniæ, in terra mariq; sitarum, benevolam & spontaneam dedicationem, regimen, tutelam, gubernationem, subjectionem, obedientiam, accepimus, assumpsimus, tenoreq; præsentium, non per errorem aut improvidè, sed de certa nostra scientia & voluntate, in DEI nomine assumimus & acceptamus, Terrasq; & Dominia prædicta Regno Poloniae reintegramus, reunimus, invisceramus

ramus & incorporamus, & ad usum, participationem omnium honorum, jurium & libertatum, & prærogativarum, quibus Prælati, Barones & Nobiles Regni Poloniae hætenus potiti sunt. Et signanter ad futurorum Regum Poloniae, quotiescunq; super Electione & Coronatione illorum fieri deliberationem contingat, Electionem & Coronationem admittimus, annectimus & includimus: Promittentes pro Nobis, Hæredibus & Successoribus nostris, ac universo Regno Poloniae, quod prædictas Terras & Dominia, atq; Prælatos Spirituales & Seculares, Barones, Militares, Nobiles, Cives, Oppidanos & cujuscunq; conditionis, status vel præeminentiae homines existant, hætenus in illis commorantes & in posterum commoratuos, favore, gratia, benevolentia, & affectione Regali prosequemur, & contra quasque adversitates, impugnationes quorumcunq; hominum, illis præstabimus, velut fidelibus & subditis nostris, Regalem assistentiam & defensam: Nec illos aut Terras prædictas à corpore & integritate Regni nostri Poloniae alienari, sequestrari, scindi patiemur. Promittentes insuper pro Nobis, Hæredibus & Successoribus nostris, quod præfatos Prælatos Spirituales & Seculares, ac Sacras ædes & Ecclesias, Barones, Nobiles & Cives atq; singulos Incolas Terrarum nostrarum prædictarum Prussiae, in juribus, libertatibus, literis, Privilegiis, immunitatibus eorum, quæ à Principibus Spiritualibus & Secularibus, Regibus & Dominis Terrarum prædictarum obtinent, conservabimus, fovebimus, defendemus. Nec unquam ea violabimus aut prævaricabimur, aut violari vel prævaricari quomodolibet permittemus. Si autem alicui Civitati vel privatae personæ Pri-

nã Privilegium amissum fuerit, aliud de consilio Con-
 siliariorum Terrarum illarum gratiôsè dabimus & largi-
 emur, dummodò in hæreditatis & Bonorum, quorum
 à Nobis petetur l.teralis innovatio, petens fuerit in pa-
 cifica, continua, & præscriptionem habente possesio-
 ne. Ut autem nostræ liberalitatis, æquitatis & justi-
 ciæ dextram, his subjectionis eorum & nostræ accepta-
 tionis felicibus, dante DOMINO, primitiis, sentiant
 in universos & quemlibet eorum effusam, & in mutatio-
 ne Principum commutatam etiam & sublatam deprehen-
 dant oppressiõnem, Daciam, quæ in vulgari *Sunthc;ol*
 dicitur; Item alia omnia telonea in aquis & terra, no-
 va aut antiqua observantia, in Terris duntaxat prædi-
 ctis Prusis quomodolibet constituta: Item in Terra
 Pomeraniæ exactionem sive Daciam, quæ *Porcus*, alias
 Narzafz, veteri institutione Ducum Poloniæ vocabatur,
 Regia munificentia tollimus, abrogamus, deponi-
 mus, ac solutionem illarum perpetuis temporibus resol-
 vimus, dimittimus & relaxamus, Nullo unquam tem-
 pore per Nos aut Successores nostros Poloniæ Reges, ex
 quacunque causa aut occasione instituendam aut impo-
 nendam. Item licet Magister & Ordo tempore
 occupationis Terrarum prædictarum omnia bona &
 merces quarumcunq; manerierum, divina permissione
 naufragium in mari passorum, velut propria ex naufra-
 gio quasi juris sui facta occupabant, Nos tamen, qui
 Rex Catholicus sumus, sortem hujusmodi naturali &
 divino jure Sedisq; Apostolicæ decreto damnatam,
 velut crudelem & injustam execramur, pollicemurque,
 quòd res & bona, cujuscunq; ponderis & valoris exi-
 stant, earum personarum, quæ maris naufragio pericli-

tabuntur, nunquam per Nos aut Officiales nostros, velut nostras aut juris nostri petemus aut requiremus, Sed illas absque diminutione per eos, quorum ante naufragium fuerunt, aut eorum propinquiores, demonstratione evidenti propinquitatem probantes, colligendas & in usus beneplacitos decernimus convertendas: Contrariæ consuetudini aut juri, vel potius corruptelæ, pro Nobis & Successoribus nostris renunciando, Nisi fortè nullus bonorum hujusmodi extaret justus heres & successor; Quoniam in casu illo bona, ex naufragio habitata, nostræ volumus potestati subiacere. Item omnes

Indigenatus

Prælatos, Militares, Nobiles, Cives & Incolas Terrarum prædictarum in jus, conditionem & proprietatem Regni Poloniæ translatos & invisceratos, hac etiam prosequemur Prærogativa, Quod Dignitates & Officia hætenus illis consistentia & in posterum constituenda: Item Castra & Tenutas Civitatum & locorum in Terris prædictis, nulli extraneo aut forensi, sed proprio Indigenæ juxta observantiam aliarum Terrarum Regni nostri conferemus.

Item omnes causas notabiles, dictas Terras concernentes, cum communi Consiliariorum, Spiritualium & Secularium, Nobilium & Civitatum, Majorum consilio Terrarum prædictarum terminabimus, tractabimus, & diffiniemus.

Item Terras prædictas sub nostro regimine & Regni Poloniæ corpore consistentes, in suis antiquis gadibus, limitibus & terminis conservabimus, tuebimur, & defendemus, Nec terminos & gades Terrarum ipsarum in aliquo diminui vel periclitari, velat Regni nostri partes individas, ullatenus patiemur.

Item cum Terræ ipsæ & homines ipsas incolentes variis hætenus Legibus si-

ve Juri-

ve Juribus, videlicet Magdeburgenſi, & Culmenſi, Po-
 lonicali hæreditario & Pruthenico, in decidendis qui-
 buſvis eorum quæſtionibus & adminiſtratione juſticiæ
 utebantur, quod etiam illis ſub noſtro Principatu & re-
 gimine volumus firmum eſſe & perhenne: Ea licentia
 attributa, ut liceat cuicumq; de uno jure in aliud, ſine
 tamen aliorum præjudicio, quò voluerit, tranſmigrare.
 Item cum Monetæ juſtam & fidelem ligam,
 pondusq; habentis cuſio Terram quamlibet & nobilitet
 & fœcundet: Volumus, ut in quatuor locis Terra-
 rum prædictarum, videlicet in Thorun, Gdaſk & El-
 bing & Kynsberg, duntaxat gwerra præſenti duran-
 te, fidelis & juſta, imaginem noſtram & ſubſcription-
 nem tituli noſtri continens, Moneta cudatur, præſa-
 torum Prælatorum Spiritualium & Secularium, Milita-
 rium, Civium, Terrigenarum Terrarum prædictarum
 impenſis. Pace autem, Domino ſuffragante, habita,
 tantum in Thorun & in Gdaſk, ſine præjudicio Privi-
 legii Thorunienſis Civitatis, Noſtris Regalibus cudatur
 impenſis; Proviſo tamen, quòd Moneta ipſa in pon-
 dere, & grano & liga debita nullatenus minuatur.

Item quia Nos pro benè gerendis rebus Dominio-
 rum noſtrorum in varia sæpè loca & à Terris prædictis
 diſtantia neceſſe eſt facere deſcenſum, Ne igitur per no-
 ſtram abſentiam Terræ ipſæ aliquod contrahere poſſent
 periculum vel periclitationem: Nobiles viros pro illius
 tuitione & gubernatione, de eorum legalitate, fide &
 merito conſiſi, ad noſtræ duntaxat beneplacitum vo-
 luntatis, ac cum conſilio Prælatorum, Conſiliariorum,
 Civitatum Majorum, prædictæ Terræ deputabimus, ad
 quos in noſtri abſentia ſuper quolibet defectu & even-
 tu habea-

tu habeatur recursus, providentia, provisione & autoritate illorum supplendus & emendandus. Item

12 Mercatoribus Terrarum prædictarum Prussiae in Regnum, Ducatus & Dominia nostra venientibus hanc libertatem & prærogativam de cætero volumus confervari, ut quoties illos in quæcunque loca, Civitates & Oppida Regni & Dominiorum nostrorum venire cum mercibus eorum, cujuscûq; speciei vel maneriei existant, contigerit: licitum erit eis hujusmodi merces in loca, testudines & cameras & tecta, quarum illis libera præstari debet arrendatio, deponere & pro suo arbitrio exponere in venalitem, Stratasq; omnes versus Hungariam, Russiam, Moraviam, Slesiam, Austriam, Saxoniam, Wallachiam, depositis tamen theloneis, Et stratis antiquis Civitatum Regni & Dominiorum nostrorum semper salvis.

670 Harum, quibus Sigillum nostrum præsentibus est appensum, testimonio Literarum. Actum Cracoviae feria quarta Cinerum Anno Domini Millesimo, Quadringentesimo, Quinquagesimo Quarto: Præsentibus ibidem Reverendissimis in Christo Patribus, & Magnificis Dominis Sbigneo Dei gratia tituli S. Priscæ presbytero Cardinale & Episcopo Cracovien, Joanne eadem gratia Sanctæ Gnesnen Ecclesiæ ArchiEpiscopo & Primate ejusdem: Joanne Wladislavien, Andrea Posnaniën, eadem gratia Episcopis. Joanne de Czyszow Castellano & Capitaneo, Joanne de Tanczin Palatino Cracoviensibus. Luca de Gorka Poznaniën, Joanne de Oleśnica Sandomiriën, Petro de Opporow Lancziciën, Nicolao de Scharley Biesteën, Palatinis. Petro de Schamotuli Poznaniën, Predborio de Konyeczpole Sandomiriën, Castellanis.

Petro

Petro Schaffranyecz de Pyeschkowafcala Cracoviē,
 Michaële de Lafotky Lanciciē Succamerarijs, & ali-
 is quamplurimis generosis & nobilibus fide dignis ad
 præmissa testibus: Datum per manus Magnificorum
 Joannis de Konyeczpole Cancellarii, & Petri de Scze-
 kocziny ViceCancellarii Regni Poloniae sincerè nobis
 dilectorum: Relatio Magnifici Joannis de Konyecz-
 pole Regni Poloniae Cancellarii.

RECIPROCA SPONSIO, QUAM IN D. CASIMIRI POLONIAE REGIS

verba, Ordines Terrarum Prussiae, pro
 temporum illorum conditione,
fecerunt.

IN Nomine DOMINI, Amen. Ad perpetuam rei
 Memoriam. Legum divinarum humanarumq; salu-
 berrimæ sanctiones, instituta & decreta, quoslibet feu-
 dales & subditos jugum subjectionis & obedientiæ per-
 mittunt excutere, & in sortem regimenq; justorum Do-
 minorum se conferre, dum Rectorum & Principantium
 temeritas, frenis laxatis licentiæ, per quælibet devia &
 abrupta graditur, & manus non solum iniquas ad irro-
 gandas injurias, sed etiam ad effundendum sanguinem
 innocentem cruentas immoderata audacia porrigens,
 D quasi

quasi apud Deum ultionum omnis vindictæ ratio con-
 quieverit, debacchatur. Si neq; ad culpam contu-
 meliamq; justus rerum æstimator retorqueat, sed po-
 tius ad providentiæ argumentum, si onere oppressio-
 num subditi impulsî, opportuno justoque mutationi re-
 medio, superbum, injustum atq; avarum abrogent im-
 perium, & in ditionem potestatemq; alius transmi-
 grent, conditione actionum & temporum facultatem,
 illis subministrante. Proinde nos Prælati, Barones,
 Militares, Nobiles, Cives, Oppidani & Incolæ Ter-
 rarum Prussiæ, Chelmen, Pomeraniæ, & Michalovien,
 Status Ecclesiastici & Secularis, Significamus tenore,
 præsentium universis, tam præsentibus quàm futuris,
 Qualiter etsi superioribus temporibus Proavi, avi & ge-
 nitores nostri, & tandem nos, graves innumerabilesq;
 à Magistro & Ordine Prussiæ pertulissimus oppressio-
 nes: dum non solum Magister, sed & sui Commenda-
 tores, in nos deserviando, plerosq; ex nobis nullo jure,
 servato capitibus plecterent, alios proscriberent, alios
 bonis temporalibus mulctarent: & quod dictu quoque
 nefas est, conjuges & filias nostratum stupris & adulte-
 riis violentis vitarent, in quosdam ex nobis, ut truci-
 daremur, ut venundaremur, caperemur, & depacta-
 remur, facultatem conferendo, totq; cogebamur reco-
 gnoscere & profiteri Domnos superbe avarosq; nobis
 imperantes, quot Terra Prussiæ gessit Commendatores,
 cum unusquisque illorum plenam principandi & impe-
 randi apud se consistere arbitrabatur potestatem.
 Qua quidem inflati licentia, obliiti professionis, qua
 contra infideles militare spoponderant, nulla offensa aut
 injuria provocati, in Reges Principesq; Poloniæ, quo-
 rum be-

rum beneficio accersiti ad impugnationem infidelium
 doratiq; & instituti fuerant, arma convertebant, fœ-
 dere primum cum D. CASIMIRO, deinde cum D. VLADIS-
 LAO Regibus Poloniæ per illos quater firmato, &
 totiens violato, Regni Poloniæ Terras, nisi cladibus
 domiri fuissent, decreverant occupasse: cogentes nos
 ad gerendum secum injusta bella, licet nobiscum nun-
 quam rem integram communicati fuissent, cum illos ad
 illa obeunda, alienos fines occupandi fames aut livor
 fastusque, non justa causa, urgeret: in quibus clades,
 orbitates, fortunarumq; & rerum nostrarum periclita-
 tiones illic exceptas tantò majore amaritudine prosequi-
 mur, quanto constat nos imperio Præsidum nostrorum
 coactos, non corporum solum & rerum, sed etiam ani-
 marum nostrarum per injustas acies sæpius contraxisse
 discrimen, & capitibus nostris omne scelus injusti belli
 expiasse, Magistro & Ordine nostras clades magis ex
 arce spectantibus, quàm relevantibus. Verùm cum
 tot mala nullo termino aut spacio videremus finiri, atq;
 nobis posterisq; nostris majores calamitates, orbitates,
 Magistro & Ordine Prusiæ ad rumpendum cum Rege
 & Regno Poloniæ foedus percussum ultimò corporali
 interposito juramento, à quo se absolvi Concilii Gene-
 ralis Basiliens & Summi Pontificis autoritate multiplici
 instantia expetebant, & bellum de novo gerendum as-
 pirante, parari: Ligam & Unionem, omnem justitiam
 æquitatemq; redolentem, non quæ illis justam potesta-
 tem adimeret, sed quæ injusta illos bella suscipere, &
 in nos, absq; jure, denudato vacuo uti mucrone, nosq;
 fortunis & rebus spoliare nostris prohiberet, inivimus:
 Hanc cum annis pluribus per nos, Magistri & Ordinis

consensu, ac Imperialibus Privilegiis & confirmationibus desuper dotati, habuissimus in usu, observantia & praxi, tanto ardore, cura & sollicitudine, pro illius perpetua abolitione certatim non erubuerunt insistere, ut nos velut ethnicos hæreticosq; coram Summo Pontifice assererent, & deinde ad Imperiale traherent tribunal, non quò per abrogationem violationemq; hujusmodi nostræ Unionis & Ligæ aliquid commodi aut profectus capefferent, sed ut eò liberius, obstante illis nemine, execranda bella Regi & Regno Poloniæ cæterisq; finitimis, nostris tandem cervicibus, ut sæpè aliàs accidebat, expianda, moverent.

Licet autem coram Tribunali Cæsareo comparendi nulla nos arctaret conditio vel potestas, cum Imperiali ditioni nunquam nos remur subiectos esse; Ut tamen nihil restaret, quo nostra argui posset iustitia, & pura, quam in his ad pacem reconciliationemq; cum Magistro & Ordine gerebamus, intentio, accusari Tribunal hujusmodi accessimus, & anno propè uno exacto, cum personarum nostrarum amplissimo discrimine, in querelis propositionibusq; & replicationibus versati, licet causam pluribus justificationibus fundatam haberemus: Tantus tamen favor Magistro & Ordini in pronuncianda Imperiali Sententia habitus est, ut Liga & Unio nostra hujusmodi, pro qua omne certamen fuit exortum, inhibitione Cæsaris, per nos tanquam jure arbitrario facta, rejecta cassaretur. Magistro nihilominus & Ordine posthæc instantibus, ut in sexingentis florenorum millibus Magistro & Ordini solvendis, & adeò Magistro & Ordini obnoxii fuisse & fore, juxtà ac si precio empti essemus, nova Cæsarea Sententia damnaremur: Vige-

re cuius ad trecentorum ex nobis principalium capitalem trucidationem processuros se, & ultionem quamlibet in nobis velat servis empticiis & obnoxiiis sumpturos, terrore publico & clamore disponebant. Quæ quidem Cæsarea Sententia, & ejusdem Magistri & Ordinis Prussiæ instantia, ultrà quoq; de nobis extendenda adeò nobis indigna, prout erat, visa est, ut non viris modò sed fœminis, non Catholicis sed Scythis fœdum ac intollerabile esset, ad tantam obnoxietatem calamitatemq; detrudi.

Tot igitur & tantis pluribusq; aliis, quas, ut nostro consulamus honori, silentii tegimus velamine, oppressionibus, oneribus, gravaminibus atque injuriis lacerati, præsertim cum illas videremus in infinitum trahi, & novo genere crescere & augeri, superbo, avaro & injusto præfati Magistri & Ordinis dominio, autoritate, & suffragio naturalis & humanæ Legum, renuntiavimus: omnem obedientiam, fidem & subjectionem illis & cuilibet eorum subtrahendo. Verùm cum Regem & Coronam Poloniæ præfati Ordinis Patronum, fundatorem & dotatorem: ac Terras prædictas, videlicet Prusiæ, Culmen, Pomeraniæ & Michalovien, à corpore & proprietate Regni Poloniæ præter justitiam & æquitatem per vim & arma alienatas, constat extitisse, prisco nostro capiti & primævo corpori, à quo excideramus, postquam juris nostri esse cœpimus, illicò nos reuniendos reintegrandosque censuimus: quò amplius liquere possit, renunciationem & subtractionem obedientiæ Magistro & Ordini, excutiendo tyrannicum jugum & superbum avarumq; præsidium, per nos factam, non solum vendicationem libertatis, sed justum Principatum, im-

tum, Imperium & solium quæsvisse. In hunc itaq;
morem ad Serenissimum Principem D. CASIMIRUM Dei
gratia Poloniæ Regem, Magnum Ducem Lithvaniæ, &
hæredem Russiæ, & Coronam Poloniæ, in quos jure
divino & humano præfatarum Terrarum hæreditatem
& omnimodam successionem comperimus devolutam,
solennes nostros Nuncios, videlicet Magnificos, No-
biles & prudentes Dominos, Joannem de Bayzen, Au-
gustinum de Schewe, milites: Gabrielem de Bayzen,
Nicolaum de Wolkow Judicem Derschoviensem, Lau-
rentium Czeitz Culmen, Rudgerum de Birken Thoru-
nen. Laurentium Pilgrim Elbingen, Proconsules: Jo-
annem Kal Brunsbergen, Georgium Schwach Konigs-
bergen, Nicolaum Rodman de Kniphoff, Guilhelmum
Jordan militem, & Joannem Meydeburg Gedanen,
Consules, cum plena facultate transmisimus, ac suæ Ma-
jestati, & in suum regalem thronum, solium, ditionem
& potestatem Terras prædictas Prussiæ, Culmen, Po-
meraniæ & Michalovien, & quascunq; alias annexas,
in terra vel mari consistentes, personas nostras, castra,
fortalitia, civitates, oppida, villas, res & fortunas no-
stras, quæ hactenus in nostra potestate sunt, & in futu-
rum erunt, dedimus & subjecimus, & præsentibus vo-
luntariè & spontaneè damus perpetuò & subijcimus:
Ipsamque D. CASIMIRUM Regem Poloniæ pro unico
justo & legitimo Domino & Hærede suscipimus, recipi-
mus & acceptamus, ac nos & Terras prædictas in jus,
sortem, proprietatem & titulum Coronæ Poloniæ rein-
tegramus, reunimus, incorporamus & invisceramus:
omnium Privilegiorum, libertatum, prærogativarum
Regni Poloniæ usam & participationem: Et signanter
commu-

communem cum aliis Regnicolis futurorum Regum Ele-
 ctionem & Coronationem habituri: ipsamque deditio-
 nem, subjectionem, susceptionem & obedientiam ite-
 rum atque iterum profiteamur, & innovamus: subijcien-
 tes nos Terrasq; prædictas in perpetuam præfati D. Re-
 gis, & suorum Successorum, & Regni Poloniae ditio-
 nem, gubernationem, protectionem, potestatem, fi-
 dem, imperium & regimen: Promittentes pro nobis,
 hæredibus & successoribus nostris, sub fide & honore,
 ac onere per nos præstiti juramenti, quod præfato Illu-
 strissimo Principi D. CASIMIRO Poloniae Regi & ejus
 Successoribus Regibus Poloniae, velut fideles & subje-
cti, quemadmodum cæteri ejusdem Regni incolæ, pare-
 bimus, auscultabimus & obediemus, fideliter & con-
 stanter, perpetuo & in ævum, Juribus nostris semper
 salvis: In ipsiusq; D. Regis & suorum Successorum Po-
 loniae Regum ditione, potestate, gubernatione, subje-
ctione, imperio & regimine ab hac hora & in perpetu-
 um perdurabimus & consistemus, nec ullo tempore,
 nos à Corona Poloniae, cujus sumus corpus individu-
 um, scindi, sequestrari, aut alienari permittemus, aut
 consentiemus. Promittentes præfato Dño CASIMI-
 RO Regi & suis Successoribus Regibus Poloniae, in omni-
 bus felicibus, adversis, & quibuscunque casibus, ope, præ-
 sidio, consilio & auxilio, fideliter, contra quoscunque eo-
 rum hostes & adversarios, & quascunque personas Ec-
 clesiasticas vel Seculares, quacunque præfulgeant digni-
 tate, communitates, universitates, & signanter con-
 tra Magistrum & Ordinem quondam Prussiae, Almarie
 & Livoniae, fideliter, corpore, animo & rebus, & cum
 effectu assistere, & bonam, utile, commodum, hone-
 stum,

Item, ejusdem D. CASIMIRI Regis, & suorum Successo-
 rum Regum Poloniae, juxta vires & potentias nostras
 extremas, efficere, dirigere & procurare: Nec unquam
 quocunq; colore, arte, necessitate, casu, opportunitate
 vel ingenio, praefatum D. CASIMIRUM Regem & suos
 Successores Reges & Coronam Poloniae deferere, aut in
 praejudicium, laesionem, aut offensam praesentis subje-
 ctionis & deditiois nostrae, cum Magistro & Ordine
 olim Prussiae, & Magistris Almanie & Livoniae aliquos
 tractatus, reconciliationes, inscriptiones, amicitias,
 foedera, colloquia vel sermones, absq; ejusdem D. CA-
 SIMIRI Regis Poloniae speciali licentia vel consensu, ini-
 re per se vel quascunque submissas personas, directe vel
 indirecte, palam vel clandestine, absq; dolo & fraude,
 sub fide & honore. Cui quidem Serenissimo Principi,
 Dño CASIMIRO Regi Poloniae, quamprimum feli-
 citer Terras Prussiae aut Pomeraniae ingressus fuerit, ad
 suam requisitionem, plenè praestabimus, praestareq; nos
 astringimus, fidelitatis, subjectionis & obedientiae, per-
 petuo corporali interposito juramento, omagium. Et
 quod jam in personis praefatorum Nunciorum nostro-
 rum prestitisse nos fatemur & recognoscimus, & praesen-
 ti nostra inscriptione pro firmitate ampliori facimus &
 praestamus. Actum & Datum in Thorun feria secun-
 da proxima post Dominicam Ramis palmarum. Anno
 Domini Millesimo, Quadringentesimo, quinquagesi-
 mo quarto.

31

PRIVILEGIUM D. CASIMIRI REGIS;

QUO NON TANTUM IPSE REX, SED
præcipui etiam ex Regni Senatoribus solenniter ca-
vent, quòd juxta Prærogativam Ordinibus Terra-
rum Prussiae antea concessam, Castra & Tenutæ
Civitatum atq; locorum nullis extraneis sed
veris Indigenis conferri debeant.

KASIMIRUS Dei gratia Rex Poloniae, Magnus
Dux Lithvaniae, Russiae Prussiaeq; Dominus & Hæ-
res etc. Significamus tenore Præsentium, quibus expe-
dit, universis, Quòd, dum ex pluribus evidentibus &
legitimis respectibus, Terras Prussiae, Pomeraniae etc.
communicato Principum, Prælatorum, Baronum cæ-
terorumq; fidelium novissimè Cracoviae nobiscum exi-
stentium Regni, Ducatum & Dominiorum nostrorum
consilio, voluntate & consensu, in regimen, tutelam,
gubernationem, subjectionem & obedientiam accepi-
mus & assumpsimus, hanc ipsis Prærogativam concessi-
mus, Quòd Castra, Civitates & quaecunq; Fortalitia,
in Terris prædictis existentia, alicui extraneo aut foren-
si conferre non debemus. Ad præsens tamen certis
respectibus moti, certa Castra, in præmemoratis Prussiae
Terris existentia, nonnullis personis contra hujusmodi
Articulum superius expressum, durante præsentigwer-
ra, & interim, quoad Terras Prussiae non pacificabimus,
dedimus contulimusq; in regimen, tenutam & governa-
tionem.

tionem. Ideo presentibus in verbo nostro Regio
 spondemus & promittimus, quod pace, Domino suffi-
 gante, habita, prescripta Castra, taliter per nos in haec-
 tenus hujusmodi personis in regimen & tenutam collata,
 juxta tenorem & continentiam Literarum nostrarum
 Cracoviae Terris Prussiae concessarum, illis conferemus,
 quibus conferri debent, Et quod etiam prescriptis Lite-
 ris in omnibus earum punctis, conditionibus, clausulis
 & articulis per hoc non intendimus neq; volumus in ali-
 quo derogare, Sed ipsas sanas, salvas, firmas & illaesas
 per nos & Successores nostros perpetuis temporibus te-
 nere & observare pollicemur per praesentes, harum, qui-
 bus Sigillum nostrum presentibus est appensum, testi-
 monio Literarum. Et nos Joannes Wladislavien,
 Andreas Posnanien Dei gratia Episcopi, Necnon Lucas
 de Gorka Posnanien, Stanislaus de Ostrorok Callisien,
 Petrus de Opporow Lancicien, Nicolaus de Koscze-
 lecz Wladislavien Palatini; Petrus Skora de Gay Ca-
 lissien, Joannes de Czarnkow Gnesnen, Hincza de
 Rogow Siradien Castellani & Vice Thesaurarius, Pe-
 trus de Szekoczini Vice Cancellarius Regni Poloniae,
 Derflaus de Rythwyan Rosperien, & Nicolaus de La-
 bischin Wladislavien Castellani & c. prescriptas Sere-
 nissimi Domini nostri Regis promissionum Literas ratas
 & gratas habentes presentibus promittimus, quod ipse
 Serenissimus Dominus noster Rex omnia superius ex-
 pressa firmiter & inconcussè inviolabiliterq; tenebit &
 observabit, & pro majori firmitate sigilla nostra etiam
 presentibus sunt appensa. Act. & Datum in Thorun fe-
 ria secunda festi Beati Joannis Baptistae, Anno Domini
 Millesimo, Quadringentesimo, quinquagesimo quarto.

Ad relationem praefati Magnifici Petri de
 Szekoczini R. P. Vice Cancellarii.

PRIVILEGIUM D. CASIMIRI REGIS,

QUO OMNIA JURA PER TERRAS PRUSSIA abrogantur, & Unum Jus Culmense in omnium reliquorum locum sufficitur, ut juxta ejus tenorem omnes Cause & Controversiæ decendantur & determinentur.

IN Nomine DOMINI, Amen. Ad perpetuam rei memoriam. Cum interea, quæ unitatem Domini attestantur, Juris Uniformitas præcipuum habeatur indicium: Proinde nos CASIMIRUS Dei gratia Rex Poloniae, necnon Terrarum Cracoviæ, Sandomiriæ, Siradiæ, Lanciciæ, Cujaviæ, Magnus Dux Lithvaniæ, Rursiæ Prussiæq; ac Culmensis, Elbingensis & Pomeraniæ Dominus & Hæres etc. Significamus tenore præsentium, quibus expedit, universis præsentibus & futuris, harum noticiam habituris, Quod, dum post bellorum discrimina Terras nostras Prussiæ ad unitatem Domini nostri, à quo alias exciderant, favore divino recuperassemus, reperimus Magnificos, Strenuos, Generosos ac Nobiles Terrarum præfatarum Incolas multiplicibus ac diversis gaudere juribus, quorum quædam & legitimas negligebant successiones, ac justicias hominum perturbabant & involvebant, Sæpiusq; quod norma debebat esse justiciæ, litigiorum & seditionum erat occasio. Cui malo occurrere volentes, pulsati etiam precibus Ma-

gnificorum & Nobilium Palatinorum, Castellanorum, Dignitariorum, totiusque Communitatis & Baronie Terrarum nostrarum Prussiae, & signanter de districtibus Pomeraniae, Mariemburgen & Stumen, alias Pomezaniensis, omnia Jura Prutenicalia, Maydemburgen, Pomeraniae ac feodalia, in quibus alias tempore Magistri & Ordinis consistebant, & ipsis regulabantur, ab ipsis removens, abrogantes, & perpetuo abolentes loco omnium Jurium praedictorum Unum Jus CULMENSE, quo districtus Culmensis gaudet & fruitur, ipsis & eorum posteris, juxta ejus veram naturam, substantiam, qualitatem & conditionem, de consensu omnium Praelatorum & Baronum nostrarum conferimus & largimur perpetuo & in aevum. Quo Jure judicari inter se debebunt & expediri, omnesque causas & controversias eorum, juxta tenorem Juris Culmensis praedicti, secundum quod in suis capitulis, punctis & consuetudinibus scriptum & declaratum existit, decident & determinabunt. Ab omnibus etiam oneribus ac daciis inconsuetis, quibuscumque appellentur nominibus, quas Magistro & Ordini de Bonis eorum dare cogeantur, ipsos libertamus. Abrenunciantes insuper devolutionem Bonorum haereditariorum, quae nobis & dominio nostro jure feodi cedebant & debebantur, ac ab eadem recedentes, successionem posteris eorum in perpetuum donantes: Hoc duntaxat pro nobis & Successoribus nostris excipiendo & reservando, quod quilibet, Dignitarius & Terrigena Terrarum Prussiae ad bellicam expeditionem, quotiescumque necessitas exoptaverit illam per nos & successores nostros indici, in armis & equis decentibus, quilibet juxta continentiam Privilegii

sui & tenorem; aliàs qui careret Privilegio, secundum
 facultatem bonorum suorum servire erit & obligatus &
 obstrictus, prout & alii Incolę Regni nostri ad hoc ipsum
 obligantur servitium. Prætereà volumus, ut omnes
 & singuli præfati subditi nostri in recognitionem Domi-
 nii, prout etiam prius solitum erat, pro quolibet festo
 Sancti Martini denarium Culmen, vel loco ejus quinque
 allenses Prutenicales, cum uno talento cæræ albæ nobis
 & Successoribus nostris ac Officialibus ad exigendum
 per nos deputatis, dent, solvant & consignent. In-
 super volumus, quod nullus Dignitariorum aut Terri-
 genarum in lacubus habeat, præter quod antiquitus ha-
 buit, tempore Magistri & Ordinis, neque etiam de illis
 lacubus se intromittat, quorum piscatura ad Magistrum
 & Ordinem pertinebat, Esto quod Lacus prædicti hæ-
 reditates aliquorum contingant, vel eis contineantur.
 Harum, quibus Sigillum nostrum præsentibus est subap-
 pensum, testimonio Literarum. Actum in Castro no-
 stro Mariemburgeñ feria sexta proxima post festum San-
 cti Jacobi Apostoli, Anno Dñi Millesimo Quadringen-
 tesimo septuagesimo sexto, Præsentibus Reverendissi-
 mo ac Reverendis in Christo Patribus Dominis Jacobo
 S. Gnezneñ Ecclesiæ ArchiEpiscopo & Primate, Sbi-
 gneo Wladislavieñ & Regni Poloniae ViceCancellario,
 Vincentio Culmen Episcopis: necnon Magnificis, stre-
 nuis & generosis Nicolao de Cuthno Lancicieñ, An-
 drea de Greczkow Inowladislavieñ, Stiborio de Bay-
 sen Mariemburgeñ, Ocha de Machwitz Pomeranie, Lu-
 dovico de Mortang Culmen, Palatinis: Joanne de
 Rythwian Sandomirieñ, & Regni Poloniae Marscalco,
 Joanne à Mor de Tharnow Woynicieñ, Joanne de Op-

porow Bresten, Nicolao de ibidem Brzeszynie, Matthia de Schlusow Cruschwicen, Nicolao Dambrowski Calmei, Nicolao Feltsdorff Pomeraniæ, Fabiano de Legensdorff Elbingen, Castellanis, & aliis quamplurimis, ad præmissa testibus fide dignis. Datum per manus Reverendi in Christo Patris Dñi Sbignei Episcopi Wladislavien & ViceCancellarii, necnon Venerabilis Urielis de Gorka Gnesnen & Posnaniæ Ecclesiarum, Præpositi, Cancellarii Regni Poloniæ, sincerè nobis dilectorum.

Sbigneus de Olechnycza
E. etc. manu propria.

CONFIRMATIO D. CASIMIRI REGIS, PRIVILEGIORVM, LIBERTATVM, ET *eorum omnium, quæ diu & ab antiquo Or- dines Terrarum Prussiæ habue- runt.*

KASIMIRVS DEI gratia Rex Poloniæ, Magnus Dux Lithvaniæ, Russiæ, Prussiæq; Dominus & Hæres etc. Significamus tenore præsentium, quibus expedit, universis, Quod, quemadmodum antea actis annis certa Privilegia & Libertates subditis nostris & Terrarum nostrarum Prussiæ Incolis, tam Spiritualibus quàm Secularibus dederamus & concesseramus, Quæ quidem Privilegia, & alia, diu & ab antiquo per eos tenta & habi-

habita, ipsis subditis nostris in omnibus punctis, conditionibus, Articulis & Clausulis tenere & observare, promittimus presentibus & pollicemur. Harum, quibus Sigillum nostrum est subappensum, testimonio Literarum. Datum in Nova Civitate Corczin feria sexta proxima post festum Sancti Barnabae Apostoli, Anno Domini Millesimo, Quadringentesimo, septuagesimo septimo.

Relatio Venerabilis Stanislai de Curozwanki
R. P. ViceCancellarii.

Stanislaus ViceCan. Off.

CONFIRMATIO

D. JOANNIS-ALBERTI

REGIS, OMNIUM JURIORUM ET PRIVILEGIORUM Terrarum Prussiae.

IN Nomine DOMINI. Amen. Ad perpetuam rei memoriam. Quoniam humani generis actiones memoriae perpetuae indigentes, plerumque ab hominum noticia dilabuntur, nisi scripturarum seu testium munimine fuerint roborata: Proinde Nos JOANNES-ALBERTUS Dei Gratia Rex Poloniae, necnon Terrarum Cracoviae, Sandomiriae, Siradiae, Lanciciae, Cujaviae; Supremus Dux Lithvaniae, Russiae, Prussiaeque ac Culmen, Elbingen & Pomeraniae Dominus & Haeres etc. Significamus tenore praesentium, quibus expedit, universis praesentibus & futuris, harum noticiam, habituris, Quomodo revolyentes in animo, qua quantaq;

taq; puritatis affectione & integre fidei constantia Pręlati tam Spirituales quàm Seculares, Comites, Barones, Milites, Proceres, Nobiles, Communitatesque Civitatum & Oppidorum, ceteriq; Subditi & Incolę Terrarum Prusię, tam Spirituales quàm Seculares, personam nostram venerati sunt atq; dilexerunt, ut tandem cedente foelicis memorię Sereniss. Principe Domino CASIMIRO, etc. Genitore & Prędecessore nostro charissimo, nos tanquam verum heredem & legitimum successorem, ipsis in Regem & Dominum concordibus voluntatibus unà cum aliis Regni nostri Consiliariis, Dignitariis, Officialibus & cujuscunq; Status Conditionisq; Subditis & Incolis elegerunt & assumpserunt, Sacroq; Regni Diademate insigniverunt. Cum igitur, Altissimo dirigente, votis eorundem Incolarum Regni nostri in nostram Majestatem deliberatę concurrentibus, Paternum Sacri Regni Polonię nacti sumus solum, Dignum ea propter duximus in ipsos Subditos Incolasq; oculos pietatis nostrę aperire, & eis hanc, quam actu & opere, veluti Athletę fideles, in nos exhibuerunt, sinceritatem & constantiam, gratitudine nostra, ut decet, compensare. Unde ex certa nostra scientia, pręhabitaque sufficienti deliberatione, animo benevolo & voluntate nostra ultronea ipsis Pręlatis, Comitibus, Baronibus, Dignitariis, Officialibus, Militibus, Proceribus, Nobilibus, Civitatibus & earundem Communitatibus, ceterisq; Subditis & Incolis Terrarum Prusię, cujuscunq; Status conditionisq; existant, quęq; ipsorum jura & Privilegia, tam Ecclesiastica quàm Secularia, quęcunq; à divę memorię Regibus Polonię, & ab olim Genitore & prędecessoribus nostris, super quibuscunq;

cunq; Bonis & Libertatibus habere dignoscuntur & habent, sub quibuscunq; Datis, in vita ipsorum emanatas & concessas, emanataq; & concessa Jura & Privilegia in se continentes, in omnibus earum Positionibus, Conditionibus, Articulis universis ratificamus, gratificamus, approbamus, & presentium Literarum patrocinio confirmamus, Decernentes easdem eademque robur habere perpetuæ firmitatis: Promittentes insuper in verbo nostro Regio, & tenore presentium spondentes, eadem ipsorum Jura, Libertates & Privilegia per omnia rata grata habere, & inconcussè, jugiter, inviolabiliter & perpetuò, Justitia mediante, gratiosè conservare. In cujus rei testimonium, Sigillum nostrum presentibus est appensum. Datum in Thorun die Sabbato in Vigilia Sancti Andreæ Apostoli, Anno Dñi Millesimo, Quadringentesimo, nonagesimo quarto, Regni verò nostri anno tertio. Presentibus Reveren in Christo Patribus Dominis Creslao de Curozwanki electo confirmato Wladislavien & Regni nostri Cancellario, Uriele Posnanien & Luca Varmien Episcopis; necnon Magnificis, Generosis & Nobilibus Ambrosio Pampowsky Siradiense, Matthia de Sluzewo Bresten, Nicolao de Baysen Mariemburgen, Carolo de Felden Culmen, Nicolao de Strzezow Wislicien, Joanne de Przithik Radomien, Petro Miskowsky Rosperien, Nicolao Gardzina de Ludbranz Spiczmurien Castellanis. Petro Kmitha de Wissnycze Regni nostri, Raphaële de Leschno Curia nostræ Marscalcis, cæterisque Dignitariis, Consiliariis & Curientibus nostris fide dignis Testibus. Datum per manus Venerabilis Gregorii de Ludbranz

Scarburiensis, & Sancti Floriani in Cleparz Ecclesiarum Præpositi, Regni nostri ViceCancellarii, syncerè nobis dilecti. G. ViceCancellarius scilicet. Relatio ejusdem Venerabilis Gregorii de Ludbranz R. P. ViceCancellarii.

PRIVILEGIUM CAPITULI VARMIE- NIS SUPER ELECTIONE EPISCOPO- rum Varmienſium, & gratitudine personæ eligendæ, & quòd ex electis REX nominare non debe- at nisi verum Terrarum Prussia Indi- genam.

IN Nomine DOMINI, Amen. Ad perpetuam rei memoriam. Nos SIGISMUNDUS Dei gratia Rex Poloniæ, Magnus Dux Lithvaniæ, necnon Terrarum, Cracoviæ, Sandomiriæ, Siradiæ, Cujaviæ, Russiæ, Prussiæ ac Culmenſium, Elbingenſium Pomeraniæq; etc. Dominus & Hæres, Significamus tenore præsentium, quibus expedit, universis & singulis, præsentibus & futuris, harum noticiam habituris, Quòd, cum defuncto bonæ memoriæ olim Reverendo in Christo Patre D. Luca Epò Varmienſium, ejusdem Ecclesiæ Prælati & Canonici ad electionem novi Epì & Pastoris processissent, fuissetq; orta aliqualis controversia super eadem electione, quæ videbatur nobis facta non observato tenore cujusdam, Articuli, inter olim Serenissimum Principem Dominum

KAS-

KASIMIRUM Regem Poloniæ Genitorem nostrum charissimum, & Reverent Patrem D. NICOLAIUM Episcopum Varmienſem & ejus Capitulum per quandam inscriptionem facti, in quo cavetur, quod iidem Prælati & Canonici Ecclesiæ Varmienſis, defuncto eorum Episcopo, personam gratam Regibus Poloniæ eligere teneantur, Cumq; ejusdem Articuli, de eligenda grata Regibus persona, interpretatio in dubium hincinde traheretur: Nos prospicere cupientes, ne qua posthac controversiæ occasio inter nos vel Successores nostros Reges & Dominum Episcopum, ac ejus Capitulum dictæ Ecclesiæ Varmienſis super electione Episcoporum, & gratitudine personæ eligendæ, exoriri possit, Ad tollendam omnem ejusdem Articuli in posterum ambiguitatem, matura deliberatione & consultatione cum Consiliariis nostris Spiritualibus & Secularibus habita: cum Reverendo Patre Dño FABIANO Episcopo Varmienſe moderno, ac ejus Ecclesiæ Capitulo in hunc, qui sequitur, modum devenimus, Quod, cum contigerit vacare Ecclesiam Varmienſem, Prælati & Canonici ejusdem Ecclesiæ tempestive & ante Electionem novi Episcopi mittere tenebuntur de gremio sui Nuncios ad nos & Successores nostros legitimos Reges Poloniæ, si fuerimus aut iidem successores nostri fuerint in Polonia, non tamen in terris Russiæ, aut Magno Ducatu Lithvaniæ, usq; Vilnam & non ulterius, Et significare per eosdem nuncios suos obitum, sui Episcopi, & diem Electioni novi Pastoris præfinitum. Et præterea dicere tenebuntur nomina omnium Prælatorum & Canonorum Ecclesiæ suæ, præsentium & absentium ab Ecclesia, ac declarare pro eorum iudicio fideliter ac veraciter vitam, mores, dignitatem, genus &

nus & omnem conditionem status uniuscuiusq;. Quod
 si forsan pro eo tempore Nos aut nostri Successores non
 essemus seu non essent in Polonia, sed in Terris Rus-
 siæ aut ultrà essemus, seu Successores nostri essent in Ma-
 gno Ducatu Lithvanix ultra Vilnam, Tunc iidem Præ-
 lati & Canonici, ne fortè Electio nimis tardetur, & Ec-
 clesia præfata alicui periculo aut incommodo subjicia-
 tur: Obligati erunt per suos Nuncios omnia superius de-
 scripta Reverendissimo Domino Archiepiscopo Gne-
 sneri pro tempore existenti, aut ejus Paternitate extra,
 suam provinciam existente, Vladislavien aut Plocen
 Episcopo significare; Qui quidem Dominus Archiepi-
 scopus, sive alter ex supradictis Episcopis, illo absente,
 sine omni mora per suum tabellarium sive nuncium de il-
 lis omnibus; quæ sic significabuntur, nos & successores
 nostros curabit reddere certiores. Ex quibus qui-
 dem Prælati & Canonici ejusdem Ecclesiæ nos quatu-
 or pro arbitrio nostro nominabimus, non alios tamen,
 quam qui sint veri Terrarum Prussix Indigenæ, ac per
 specialem nuncium nostrum seu literas clausas significa-
 bimus ipsi Capitulo, quos judicaverimus ad illius cul-
 men dignitatis & locum in Consilio nostro magis ido-
 neos & nobis gratos. Ipsi verò Prælati & Canonici
 prædicti unum ex illis quatuor, quem voluerint aut ju-
 dicaverint meliorem & utiliorem, deligere in Episco-
 pum tenebuntur & erunt astricti. Et quia ex longa
 mora Electionis aliqua difficultas vel impedimentum
 evenire poterit, Itaq; post acceptum de morte Episcopi
 a Capitulo nuncium, supradictos quatuor Octo dierum
 ad summum spacio nominare debemus. Et hoc am-
 pliùs adjiciendum, ipso Domino FABIANO Episcopo, &
 ejus

ejus Ecclesiæ Varmien Capitulo assentientibus, volui-
 mus, Quod si quando nos vel successores nostri filium
 sive fratrem germanum inter quatuor supradictos nomi-
 nare vellemus, qui prius esset de gremio Capituli Eccle-
 siæ prædictæ, id in nostro & Successorum nostrorum
 Regum Poloniae arbitrio & potestate erit, ac si iidem fi-
 lius vel frater Terrarum Prussiae Indigena esset. Cum
 autem dicti Prælati & Canonici, sic ut præfertur, unum
 ex eisdem quatuor nominatis elegerint, intimare de-
 bebunt nobis & successoribus nostris novum electum,
 & cum eo supplicare, ut illum nostris literis Sedi Apo-
 stolicæ & Sanctissimo Domino commendemus, ut Ele-
 ctionem de eo factam cum gratia confirmare dignetur.
 Qua quidem Confirmatione & provisione secuta, idem
 Electus, juxta tenorem & inscriptionem, cum superius
 nominato olim Domino NICOLA O Episcopo Varmi-
 ensi & ejus Capitulo factam, præstabit juramentum no-
 bis & successoribus nostris, prout in eadem inscriptione
 latius continetur. Reliqua verò, quæ in eisdem Ar-
 ticulis cum supradicto Domino NICOLA O Episcopo
 Varmien habitis continentur, Salva & integra perma-
 nere debent in perpetuum & inviolabiliter observanda.
 Ea verò, quæ his Literis continentur, ipse Dominus
 FABIANUS Epūs Varmien prædictus, cum Capitulo
 Ecclesiæ firmiter, illesè & inconcussè tenere, exequi &
 inviolabiliter perpetuò observare debebit, & ejus suc-
 cessores debebunt. In quorum omnium & singulorum fi-
 dem & testimonium præmissorum præsentis literas scribi
 fecimus, & Sigillo nostro communiri. Actum in Con-
 ventione Generali Piotrkovien Die Martis septima
 Mensis Decembris, aliàs in Vigilia Conceptionis bea-
 F 3 tissima

tissima Virginis Mariæ, Anno Domini Millesimo, quin-
 gentesimo, duodecimo, Regni verò nostri sexto. Præ-
 sentibus Reverendissimo & Reverendis in Christo Pa-
 tribus Dominis Joanne ArchiEpiscopo Gnesneñ & Pri-
 mate, Joanne Cracovieñ, Joanne Pofnaniē, Erasmo
 Ploceñ, Fabiano Varmieñ, Matthia Præmisliē & Re-
 gni nostri Cancellario, Jacobo Camenecē Ecclesiarum
 Episcopis; necnon Magnificis, Venerabilibus, Gene-
 rosis & Nobilibus Nicolao de Camienycz Cracovien-
 se, & Campiductore Regni nostri generali, Nicolao de
 Ludbrancz Pofnaniē, & Capitaneo Lancicieñ, Joanne
 de Tarnow Sandomiriense, Jaroslao de Lasko Siradiē,
 Joanne Jarandi de Brudzew Lancicieñ, Nicolao
 de Griethkow Brestense, Joanne Odrovvansch de Spro-
 vva, Russiæ Terrarum Generali, Otha de Chodecz
 Podoliæ, Nicolao Firley de Dambrovvicza Lublineñ,
 Georgio de Bayfen Marienburgense, Nicolao de Pilcza
 Belzense, Andrea de Radzieowicza Plocense, & Ra-
 venense Capitaneo, Prandota de Zelafna Ravenense, Palati-
 nis. Luca de Gorka Pofnaniense & Capitaneo Majoris
 Poloniæ generali, Christophoro de Schidlowiecz San-
 domiriense & Regni nostri ViceCancellario, necnon Si-
 radiense, Secchaczoviense & Gostineñ Capitaneo, Sta-
 nislao de Ostrorog Calissienne, Janussio Latałski Gne-
 snense, Joanne de Przeremb Siradiē, Alberto de Glad-
 czianow Lanciciense, Nicolao de Schiedlovicz Ra-
 domieñ & Succamerario Cracovieñ, Regniq; nostri In-
 cifore, Nicolao Jordan de Zacliczin Villicieñ, Andiea
 de Oporovv Brestense, Jeronymo de Cobilany Ro-
 sperienne, Andrea de Tanczin Biecenfe, & Causarum
 Curie nostræ Referendario, Georgio Krupski de
 Orchovv Belzenfe, Stanislao de Pothulice Miedzi-

rzecerse, Jaroslao Sokolovvski de Wrancza Landense, Petro Gorski Naklense, Joanne de Bochothnicza Malegostense, Stanislao de Sprowa Zarnovienne, Martino Skethmitzki de Bogoria Zawichosten, Stanislao Kuropathva de Lazuchow Chelmen, Castellanis. Stanislao de Chodetz Marschalco & Capitaneo Leopoliens, Andrea de Cosczieletz Thesaurario, Scepusiens, Oswiczimense, Sandecense, Junivvladislaviense, & Bidgostiens Capitaneo, necnon Zuppario & Magno Procuratore Generali Cracoviense, Regni nostri, Andrea de Klecz Custode, & Joanne Sculteti Sacrae Theologiae Professore ac Archidiacono Varmien, Joanne Latalski Gnesnense, Cracoviense & Lanciciense Praeposito, Petro Thomiczki Decretorum Doctore, Archidiacono, Joanne Carnkowski Canonico Cracoviens, Stanislao Goretzki Praeposito Calisschien Ecclesiarum, Secretariis nostris; Stanislao Jaroczki Marschalko Curiae nostrae, Raphaële de Leschno Capitaneo Szlochovien, Henrico Itfeld Proconsule Thorunen, Ambrosio Storm Nuncio & Notario Gedanen Civitatum nostrarum. Adamo de Drzevvicza Sandomiriens, Stanislao Lassoczki Poshnaniens Terrarum Succamerariis, Nicolao Oczieski Capitaneo Costense & Magistro agasonum Curiae nostrae, & aliis quampluribus Dignitariis, Officialibus & Curien nostris, circa praemissa testibus fide dignis, sincerè & fidelibus nostris dilectis. Datum per manus praefati Reverendi in Christo Patris Domini Matthiae Episcopi Praemisliens, & Regni nostri Cancellarii, sincerè nobis dilecti. Matthias Dominus Episcopus & Cancellarius spt. Relatio ejusdem Reverendi in Christo Patris Domini Matthiae Episcopi Praemisliens & Regni Poloniae Cancellarii.

CAU-

CAUTIO D. SIGIS- MUNDI REGIS IN

PERSONA JOANNIS BALINSKI,
*quod posthac nennisi Terrarum Prussia Indigena, &
Vernacula Linguae peritus, in ipsarum Terra-
rum Consilium recipi & admitti
debeat.*

SIGISMUNDUS Dei gratia Rex Poloniae, Ma-
gnus Dux Lithvaniae, Russiae, Prussiaeque etc. Domi-
nus & haeres, Manifestum facimus tenore praesentium,
universis & singulis, quibus expedit, Quod, cum alias
nos volentes generosum & fidelem nobis dilectum Joan-
nem Balinski, ob meritorum suorum exigentiam, am-
plioribus honorum fastigiis evchere, ei Castellanus Ge-
daneus Dignitatem in Terris Prussiae ea vice contulisse-
mus, mandavimus eum in ipsarum Terrarum Consilio
recipi & admitti. Verum, cum praemissa Privilegiis
earundem Terrarum obsistere dicantur, ex eo quod
idem Joannes Indigena illarum Terrarum non existens,
ipsarum etiam Linguae imperitus, praesenti nostro De-
creto declaramus, & in verbo nostro Regio affirmamus,
intentionis nostrae non fuisse nec esse, per praedictam,
nostram collationem & mandatum memoratis Privilegi-
is aliquatenus derogare, aut quomodolibet ea tollere vel
abrogare. Decernimus igitur, praedictam nostram collatio-
nem & Mandatum, quatenus dictis Privilegiis aliquomo-
do adversetur, Terris nostris Prussiae in aliquo non preju-
dicare,

dicare, aut ad similia permittenda in consequentiam seu exemplum in posterum trahi non posse neq; debere, Dictosq; Terrarum Prussiae Consiliarios eundem Joannem in Consilium recipien nostrisq; Mandato parent, ab hujusmodi Privilegiis recessisse censeretur aut judicari a quocumque non debere neq; posse, nolentes eos aut Terras predictas, ob nostrae complacentiae obsequia, hac duntaxat vice nobis impensa, praedictum aliquod aut jacturam reportare. In quorum omnium testimonium has nostras Literas fieri jussimus nostro Sigillo communitas. Datum in Brzescie Kujavien feria quarta ipso die Beati Andreae Apostoli: Annorum Domini Millesimo, Quingentesimo, decimonono, Regni autem nostri tredecimo.

Christophorus de S. Palatinus & C.

Cracovien ac R. P. Cancellaria: ffr.

Ad Relationem Magnifici Christophori de Schidlowicz Palatini & Generalis Cracoviensis ac Regni Poloniae Cancellarii etc.

CONFIRMATIO
D. SIGISMUNDI RE-
GIS, OMNIUM PRIVILEGIORUM ET
Libertatum, quas D. ejus Genitor CASI-
MIRUS REX Terris Prussiae
concesserat.

IN Dei nomine, Amen. Ad perpetuam rei memoriam. Omnium rerum, quae sempiternae memoriae

G

commen-

commendari debent, nulla certior firmitudo inveniri potest, quàm ut literis posteritati mandentur. Cætera enim facta, quantumvis memorabilia, aliis modis æternitati dicata, aliquot quidem sæculis durare possunt, sed quæ literis memoriæ conservantur, nunquam intereunt, ipsaq; vetustate fiunt augustiora. Atq; ita Nos SIGISMUNDUS Dei gratia Rex Poloniae, Magnus Dux Lithvaniae, Russiae, Prussiae, Culmen, Elbingen, Pomeraniae; etc. Dominus & Hæres, Manifestum facimus his literis nostris universis & singulis tam præsentibus quàm futuris, Quod accedentes ad conspectum nostrum Domini Prælati Terrarum nostrarum Prussiae, Spirituales & Seculares, Barones & Nobiles, principium Civitatum nostrarum, videlicet Thorunen, Elbingen & Gedanensis Proconsules & Consules, ac apud nos earundem Civitatum nominibus nuntii, syncerè & fideles nostri dilecti: Inter cætera nobis humiliter supplicarunt, ut eos circa jura, libertates, prærogativas, concessiones, donationes, & exemptiones, per clarissimæ memoriæ Dominum CASIMIRUM Regem Parentem nostrum desideratissimum concessa & concessas, conservare, manutenere, tueri & defendere, ac ea & illas confirmare, approbare, ratificare, laudare ac demum renovare dignaremur. Nos igitur SIGISMUNDUS Rex suprascriptus, qui naturæ benignitatisq; nostræ instituto ea, quæ ad ornamentum, dignitatem, amplitudinem atque conservationem Dominiorum & Subditorum, quibus divina dispensatione sumus præfecti, spectare nobis videntur, grati libentissimiq; concedimus, ac præsertim cum ipsi Domini Prælati & Barones, & tota ferme Nobilitas, & supradictarum Civitatum Cives, & alii

& alii multi Incolæ & Subditi nostri, quamvis semper
 antea, ut sub imperium & protectionem divi parentis
 nostri CASIMIRI redierunt, nunc tamen maximè, cum
 hoc bellum, quod nuper cum Illustri Domino Alberto
 Marchione Brandeburgensi cum Magistro Ordinis S.
 Mariæ in Prussia gessimus, eorundem Subditorum no-
 strorum propulsa damna, cædes & injurias, constan-
 tissimi & integerrimi nobiscum perferentes manserunt.
 Auditis itaq; & benè intellectis hodiè superscriptis Pri-
 vilegiis & Juribus ac Prærogatiuis, concessionibus aut
 donationibus, ad laudem & gloriam inprimis Dei Opt.
 Max. omniumque Sanctorum ejus, & ad univeisarum
 Terrarum nostrarum Prussiae incrementum, tranquilli-
 tatem, quietem, stabilitatem atq; conservationem, su-
 perscripta Privilegia ac Jura, Prærogativas, concessio-
 nes, donationes & exemptiones, ac omnia & singula
 in ipsis contenta, cum omnibus & singulis eorum pun-
 ctis, clausulis & continentiis, prout jacent, ex certa no-
 stra scientia & voluntate, ex consilioq; Consiliariorum
 nostrorum ad præsens in hoc novissimo Conventu no-
 biscum existentium, pro solita benignitate nostra Re-
 gia, approbamus, ratificamus, renovamus & accepta-
 mus, laudamus & confirmamus, ipsaq; & ipsas perpe-
 tuum firmitudinis robur obtinere volumus. Promit-
 tentes in verbo nostro regio, ac sub fide boni, legalis &
 ingenui Principis, pro nobis & successoribus nostris, nos
 omnia superscripta in præinsertis Privilegiis expressa fir-
 miter & inviolabiliter observare, tenore præsentium
 mediante. In cujus rei testimonium Sigillum nostrum
 præsentibus appendi jussimus, & ad meliorem cautelam
 nos manu nostra propria subscripsimus. Actum &

Datum in Civitate nostra Thorunensi, feria sexta pro-
 xima ante Dominicam jubilate, Anno Domini Millefi-
 mo, Quingentesimo, vigesimo primo, Regni verò no-
 stri Anno decimoquinto. Presentibus Reverendiss.
 & Reveren in Christo Patribus Dominis Joanne de La-
 sko ArchiEpiscopo Gnesnen & Primate, & Sedis Apo-
 stolice Legato nato, Matthia de Drewicza Wladisla-
 vien Episcopo, Raphaële de Leschno Ecclesię Premisli-
 en, & Laurentio Miedzilesky Ecclesię Cameniceñ, de-
 signatis & electis Episcopis. Necnon Magnificis Ni-
 colao de Dambrovicza Castellano Cracovien, & Re-
 gni nostri Campiductore supremo, Christoffero de
 Schidlovvicz Palatino & Capitaneo Cracoviensi ac
 Regni nostri Cancellario etc. Joanne de Lubraniecz
 Posnanien, Joanne de Calinovva Calificen, Stanisla-
 de Koscielec Brescen, & Capitaneo Marięburgen, Pa-
 latinis. Luca de Gorka Posnanien, & Majoris Po-
 lonię Capitaneo Generali. Nicolao de Schidlovvicz
 Sandomirien & Regni nostri Thesaurario. Joanne
 Wiethvvinski & in Carnischin Plocensi, Stanisla-
 de Sprovva Sarnovvien Castellanis, Ac Venerabilibus
 Joanne Latalsky Gnesnen, Cracovien ac Lancicien
 Ecclesiarum Preposito. Andree Sloriczki Preposito S.
 Floriani in Kleparz extra muros Civitatis nostrę Craco-
 vien, & Custode Sandomirien, Nicolao Oleschniczky
 Canonico Cracoviensi, Paulo Grasslovvski Preposito
 omnium Sanctorum in Cracovia, & aliis quampluribus
 Dignitariis, Officialibus & Curiensibus nostris ad pre-
 missa testibus fide dignis syncerè & fidelibus dilectis.
 Datum per manus prefati Magnifici Christoffori de
 Schidlovvicz in Smielew & magna Opatow Palatini
 & Ca-

51
& Capitanei Cracoviensium ac Regni Polonie Cancellarii,
tum Siradiensium, Sochaczovviciensium, Costinensium etc. Capita-
nei, sincere nobis dilecti.

SIGISMUNDUS REX spt.

Christoff. d S. Pal. & Capitane-
us Cracoviensium ac R. P. Can. spt.

D. SIGISMUNDI REGIS LITERÆ, QUI-

BUS ORDINIBUS TERRARUM PRUSSIÆ, QUI VI-
gore Privilegii ad Electionem Filij vocati non fue-
runt, postea tamen Electionem ratam habuerunt,
cavet, quod ea præteritio illis fraudi esse non debeat,
Et specialiter obligat Sigismundum Augustum Fili-
um, ut annum decimum quintum egressus, pro more
Antecessorum, juret se Privilegia & Indultatam
publice quàm privatim conservaturum, Et quamdiu
hoc ipsum Juramentum non præstiterit, Ordines etiam
Terrarum & Civitatum ad servandum suum Jura-
mentum Majestati ejus præstitum asscriptos esse non
debere, Sed ubi Majestas ejus satisfecerit,
tum demum omnem fidelitatem &
obedientiam præstare
oportere.

SIGISMUNDUS Dei gratia Rex Poloniæ, Magnus
Dux Lithvaniæ, Russiæ, totiusq; Prussiæ ac Maso-
viae

vite etc. Dominus & Hæres, Manifestum facimus universis, Quia licet Privilegia & Libertates Statibus & Ordinibus Terrarum Nostrarum Prussiae, tam Ecclesiasticis quàm Secularibus, à Majoribus nostris concessa & concessa, ac per nos confirmata & confirmata, inter alia id potissimum contineant, ut dicti Ordines & Status Prussiae ad futurorum Regum Poloniae, quotiescunq; super Electione & Coronatione illorum deliberationem fieri contingat, ad Electionem & Coronationem, vocari & admitti debeant. Quia tamen in eligendo Sereniss. Principe Domino SIGISMUNDO Secundo, Rege Poloniae & Magno Duce Lithvaniae, Filio nostro charissimo hoc ipsum prætermisum est, non data quidem opera, sed quòd nobis viventibus & Regno nondum vacante, magisq; divina ordinatione, quàm humano consilio, Electio ipsa Majestatis suae contigit: Considerantes tantam prædictorum Statuum & Ordinum Terrarum nostrarum Prussiae, erga nos & Serenissimam familiam nostram, fidem, affectam & observantiam, ut hanc ipsam Electionem Serenissimi filii nostri, præter vocationem eorum factam, approbaverint, & similiter ipsum eligendo ratam atque gratam habuerint: Nolentesq; , ut per hujusmodi Electionem, ad quam vocati non erant, aliquid in posterum Privilegiis & Libertatibus dictorum Statuum & Ordinum earundem Terrarum nostrarum Prussiae derogaretur: Decernimus, ut deinceps, quotiescunq; Regem decedere, & Regnum vacare aut Electionem quomodocunq; celebrari contigerit, Domini Consilarii Ordinis utriusq; Regni Poloniae, antequam ad Electionem procedant, prius prædictos Status & Ordines Terrarum Prussiae de hac ipsa novi Regis
Electio-

Electione certiores faciant, ac eosdem ipsos Status, se-
 cundum antiquam consuetudinem & contenta Privile-
 giorum eorum, ad eam vocent & admittant. Vol-
 lentes prætereà, pro tanta eorum in nos & Filium no-
 strum charissimum integritate, vicissim eis providere,
 ut & ipsi in suis Juribus & Privilegiis ac Libertatibus
 Consuetudinibusq; approbatis absq; ullo conservaren-
 tur detrimento, pollicemur illis præsentibus literis no-
 stris, Quòd quandocunq; ipse Serenissimus filius noster,
 post mortem nostram, ad ætatem legitimam, nempe
 ad annos quindecim completos, perveniens, possession-
 nem Regni & Dominiorum nostrorum adire voluerit,
 tenebitur illis id totum præstare, quod Antecessores no-
 stri Reges Poloniae & nos ipsi præstitimus ex debito, ad
 quod ejus Majestatem, ut Filium & Successorem no-
 strum, tenore præsentium obligamus, videlicet, quòd
 jurare debet omnia Jura, Libertates & Privilegia,
 Literas Immunitatesve earundem Terrarum Prussiae,
 tam Ecclesiasticas quàm Seculares, Ecclesiis, tum ipsis
 Terris, earundemq; Prælatiis, Baronibus, Nobilibus,
 Civibus, Incolis & quibuslibet personis, cujuscunque
 status & conditionis existentibus, per Divos prædeces-
 sores nostros Principes tam Spirituales quàm Seculares
 Reges & Dominos Terrarum prædictarum justè & legi-
 timè donatas & concessas, & per nosmetipsos confir-
 matas manutenere, servare, custodire & attendere,
 in omnibus conditionibus atq; punctis, Et omnia illicitè
 ab eisdem Terris alienata aut distracta, pro posse suo,
 ad proprietatem earundem Terrarum recuperare: Ter-
 minos etiam earum non minuere, sed pro virili defen-
 dere & dilatare.

Et quamdiu hoc ipsum Juramen-

tum

tum M^{aj}as sua non præstiterit, & huic debito suo Re-
gio non satisfecerit, Ipsi universi Status & Ordines ea-
rundem Terrarum & Civitatum nostrarum Prussiae ad
servandum Juramentum suum, quod Majestati suae præ-
stiterunt, non erant astricti neq; obligati. Verum,
quandocunque post mortem nostram iupradictis omni-
bus idem Serenissimus Filius noster, in ætate legitima,
existens, satisfecerit, & hujusmodi Juramentum debi-
tum præstiterit, universi earundem Terrarum nostra-
rum Prussiae Status & Ordines Subditi nostri, Illi ut ve-
ro & legitimo Domino & Regi suo coronato omnem fi-
delitatem & obedientiam obsequiaq; secundum Jura-
mentum à se illi factum, præstare & exhibere tenebun-
tur. In cujus rei testimonium, Sigillum nostrum præ-
sentibus est appensum. Datum in Conventu Generali
Cracoviensi, feria sexta ante Dominicam Judica proxi-
ma, Anno Domini Millesimo, Quingentesimo, trige-
simo, Regni verò nostri vigesimo quarto.

Christofferus de S. Castel. & Capit.
Cracoviens ac R. P. Cancel. ssc.

LITERÆ D. SIGIS-
MUNDI REGIS, QUI-
BUS POST PRÆSTITUM JUSJU-
randum Filii, solenniter iterum cavet universis Sub-
ditis, ejus Majestati neminem parere debere, nec im-
perio obnoxios fore, nisi prius omnia Jura, Privilegia
& Libertates Diplomate suo confirmaverit, &
juxta ejus tenorem in executionem
posuerit.

SIGIS-

SIGISMUNDUS ejus nominis Primus Dei gratia Rex Poloniae, Magnus Dux Lithvaniae, Russiae, Masoviae etc. Dominus & Haeres, Significamus tenore praesentium universis & singulis cujuslibet ordinis, dignitatis & conditionis hominibus, Quum ante septem annos Consiliarii Regni nostri, singulari erga nos Domumq; nostram Regiam studio & propensione permoti, tum imminentibus etiam difficultatibus atq; motibus, quibus nunc universus ferè Orbis terrarum tumultuatur, obviam ituri, Serenissimum filium nostrum **SIGISMUNDUM AUGUSTUM** Regem sibi & Regno Poloniae, nobisq; Successorem voluntate nostra constituissent, Ac ne res ea posthac ullo pacto in dubium revocari posset, Jurejurando sigillatim dato fidem suam ipsius Majestati obstrinxissent, quoniam is tum per aetatem nondum commodè vicissim ipsis Jusjurandum dare poterat, recepimus nos & spopondimus, & Regio verbo nostro promissimus, ipsius Majestatem, cum annum quincumdecimum egressa fuisset, vicissim Subditis suis omnibus consentaneum Jusjurandum esse daturam, cujus formula continetur iis literis, quibus fidem tum nostram obstrinxeramus. Nunc itaq; cum tempus id venisset, liberavit ipsius M^{tas} fidem nostram pro se datam, taleq; Jusjurandum, quale modò descriptum est, conceptis verbis ad Sancta Dei Evangelia publicè in Ecclesia Cathedrali Cracovien quarta die Februarii praesentis anni dedit. At ne quid ea res discriminis maliq; afferret, ita tum quoq; in Electione illa cautum publicoque omnium consensu constitutum erat, ut, quoad nos viveremus, penes nos universa potestas & Regium imperium nihilominus maneret: Nunc etiam recepit idem Sereniss.

H

renis. Filius noster, spondit & regio suo verbo promisit, literarumq; monimentis ea de re conscriptis & signo suo consignatis cavit, viveamus nobis nihil se potestatis & jurisdictionis in Regno Poloniae sibi esse vendicaturum, neq; vi quenquam invitum ad jussa sua faciendum adacturum, sed omnia, seq; ipsum denique semper in potestate nostra fore. Deinde quaecunq; jurasset publicè, omnia se sine ulla controversia servaturum, defensurum atq; executurum esse. Postremò, post obitum quoque nostrum, neminem prædictorum, Subditorum suorum sibi parère debere, nec fore obnoxios fidei imperioq; suo, nisi prius ipsis universa Jura, Privilegia, Libertates, Literas & Immunitates, à supramemoratis Majoribus suis Divis Regibus Poloniae, & à nobis etiam concessas ac donatas, quæq; in posterum, dum vivimus, à nobis concedentur donabunturq;, Diplomate suo Regio confirmaverit, & pro viribus suis juxta tenores earundem in executionem posuerit. Quæ omnia nos quoq; pro eodem Serenissimo filio nostro recipimus, spondemus & Regio verbo nostro promittimus. Id quod his literis signo nostro impresso consignatis testatum esse volumus. Datum Cracoviae sexta Februarii Anno Domini Millesimo, Quingentesimo, trigesimo septimo, Regni verò nostri Anno trigesimo primo.

CON-

57

CONSTITUTIONES TERRARUM PRUS- SIÆ, IN PUBLICIS COMITIIS THORU- NII *conciliata, & D. SIGISMUNDI* *Regis auctoritate pro commodo publico* *confirmata.*

SIGISMUNDUS Dei gratia Rex Poloniae, Magnus
Dux Lithvaniae, Russiae totiusque Prussiae, Masoviae
etc. Dominus & Haeres, Significamus tenore praesentium,
quibus expedit, universis praesentibus & futuris harum
noticiam habituris, Quia consulere volentes multiplici-
bus erroribus & abusibus, qui cum in divinis ac etiam
humanis rebus inoleverant in Terris & Civitatibus no-
stris Prussiae, ac bonae Reformationi defectuum & dissi-
diorum, quae in ipsis Terris oborta fuerant, utiliter in-
tendentes, de consilio & consensu omnium Consiliario-
rum & Nunciorum Communitatis, tam Militaris quam
etiam Civilis Ordinis, infra scriptas Constitutiones edi-
dimus, promulgavimus & confirmavimus.

In primis, quisque Palatinus habeat apud se exem-
plum seu copiam Privilegii Terrarum Prussiae, & illud
unicuique petenti ostendet, & coram eo legi faciet, quod
nos manutenere, & secundum ipsius tenorem tam Spi-
ritualium quam Secularium Dignitates, Officia & Capi-
taneatus solis & propriis Terrarum Prussiae Indigenis
conferemus.

Judicia Terrestria in singulis Palatinatibus quotannis bis servantur, ita ut in Palatinatu Culmenſi Primum Judicium feria tertia post Dominicam Quasi modò geniti, Secundum autem feria tertia post Lamperti celebretur. In aliis autem Palatinatibus juxta veterem consuetudinem observetur. Ex quibus quidem Judiciis Terreſtribus Appellationes ordinariæ fiant ad Conventus Generales Terrarum Prusiæ; A Conventibus autem Generalibus ad Regium Tribunal nostrum, donec alterutra partium tres conformes sententias obtinuerit.

Ut autem frivolæ & temerariæ Appellationes non nihil cohibeantur, quisquis in Judicio Terreſtri ad Conventum generale appellaverit, tres Marcas in Judicium reponat; Si verò à Conventu generali ad nos appellatum fuerit, sex floreni per triginta grossos deponantur. Et si Appellans coram Judice appellato succubuerit, in usum publicum Judicii, in quo erant repositi, cedant; alioquin parti restituantur.

Nec Palatini Causas ad Jus Terreſtre spectantes, nisi de consensu partium, judicent, Et provocantes ad Judicium Terreſtre remittant: Exceptis causis levioribus, quæ videlicet valorem decem marcarum non excedant. Hæ quidem sine strepitu judicii de simplici & plano ab eis componi possunt. In Causis autem sanguinis & facto recenti depræhensis, indilatam justitiam ministrent, Nec partes contendentes ad componendam amicè inter se controversiam cogant, nec ulla poenas exigant, nisi per Judicium decretas, Quarum poenarum tertia pars Judicio Terreſtri, reliquæ duæ partes Palatino loci cedant,

Palatini & Capitanei citati tam in Judicio Terreſtri,

quàm

quàm Conventuum Publicorum, respondere sint obligati: Exceptis Actionibus super Bonis nostris Regalibus emergentibus. Capitanei autem juxta continentiam Privilegii Terrarum Prussiae sint Indigenae possessionati, ratione quarum possessionum si Bona terrestria fuerint, Judicio Terrestri sint subjecti.

Ut autem temerariae lites amputentur, Commissarios sive Judices delegatos non deputabimus in Causis ad Judicium Terrestre spectantibus, & minùs in eo jam pendentibus, nisi per Appellationem Ordinariam, de qua superius dictum est, à Sententia diffinitiva seu interlocutoria jam lata, ad Tribunal nostrum devolutae fuerint; Exceptis Causis limitum Bonorum nostrorum Regalium, & divisione fratrum & proximorum.

Nec Judices delegatos seu Commissarios, à quibus semel appellatum est, in eadem Causa denuò deputabimus, aut Causam ad ipsos remitemus. Non enim verisimile aut honestum videtur, quòd Judex pristinam suam sententiam retractet, aut aliter postea judicet, quàm antea judicaverat.

Conventus autem publici seu generales, juxta proximam Ordinationem nostram, in Prussia quotannis bis celebrentur, Verno videlicet tempore Mariemburgi ad diem Sancti Stanislai; Tempore autem Autumni in Graudentz ad diem Sancti Michaelis. In nostro tamen arbitrio erit, cum res ita postulaverit, alium locum & tempus hujusmodi Conventibus praescribere. Peculiares autem conventus per nos instituendi locum & diem ex nostro arbitrio sortientur.

Ad praedictos Generales Conventus omnes Causae tam ex Civitatibus, quàm ex Judiciis Terrestribus per

Appellationem devolvantur, & etiam sine speciali commiffione noſtra judicentur. Deinde verò, & non antea, ad ſupremum Tribunal noſtrum remittantur, parte provocante, Cui ad proſequendam Appellationem à Judicibus legitimus terminus præfigatur, Quam Appellationem ſi intra unius anni ſpaciū non proſequeretur, prior Sententia juxta Juris communis diſpoſitionem, ut prædictum eſt, in rem tranſeat judicatam, & executioni demandetur.

Ante Conventum verò Publicum, per nos & ſucceſſores noſtros ſingulariter inſtituendum, in ſingulis Palatinatibus, Culmenſi videlicet, Marienburgenſi & Pomeraniæ, fiat Nobilitatis Conventio Particularis, Quam ſecundum morem antiquum Palatini, in ſingulis diſtrictibus Palatinatus ſui, ad aliquem locum convenientem literis ſuis convocent, ut Nuncii ad huiusmodi Conventum mittendi eligantur. Qui autem vocatus non comparuerit, poenam duarum marcarum pendet, Cujus medietas Palatino ejus loci, altera verò ærario publico proveniat; exceptis dictarum Terrarum Pruſſiæ Conſiliariis noſtris, ſive equeſtris, ſive civilis ſint Ordinis.

At cum fruſtrà Sententiæ ferantur, niſi legitimæ executioni demandentur, Volumus & irrefragabili Conſtitutione ſancimus, ut deinceps unusquiſque, cujuſvis conditionis aut eminentiæ fuerit, rei judicatæ, ſine omni contradictione, cum effectu pareat & obſequatur; Alioqui locorum Palatini, nullo alio mandato expectato, legitimam executionem faciant, adjuncto ſibi, ubi Cauſæ conditio id poſtulaverit, Capitaneo & Nobilibus illius diſtrictus, aut etiam, ſi neceſſitas exegerit, omnibus & ſingulis Vaſallis noſtris, ſeu Nobilibus illius

Palati-

Palatinatus, quos ad assistendum illi sub Jurisjurandi debito, & amissione feudorum obligatos esse decernimus. Si verò majori potentia sit opus, negotium ad nos referri volumus, ut opportunis rationibus rebus provideamus.

Palatinos similiter ad hujusmodi executiones faciendas, justitiamq; oppressis ministrandam, jusjurandum nobis præstitum adigat, quos etiam, si remissiores fuerint, quinquaginta florenorum Hungaricalium poena, plecti volumus, Cujus mulctæ medietas parti, cui Justitia denegata est, altera verò medietas Ærario publico Terrarum Prussiae cedat.

Ubi autem quis Executioni voluerit resistere, aut jam factam violare convictus fuerit, poena banni sive proscriptionis, ac Bonorum confiscatione irremissibiliter puniatur; Ex quibus Bonis parti læsæ primum fiat satis; quod reliquum fuerit, prædicto Fisco applicetur.

Statuimus præterea, ut nullus Capitaneus, Nobilis, Civis aut quivis alius, cujuscunque conditionis existat, personis, castris, domibus aut possessionibus alicujus ullam violentiam inferre, incursiones facere, in publicis stratis insidias ponere, præsumat: Super his convictus, juxta antiquum Plebiscitum Terræ Culmenfis, Capitali poena puniatur:

Et cum aliquis Nobilis decreto Publici Conventionis, Judicio Palatinorum aut Terrestri capitur, quod sub certis poenis in potestatem aut carcerem Civilem non tradatur, sed in manus Palatinorum. Si quis autem in Civitate, ubi nulla Arx est, capitur, & autoritate Conventionis, Palatini aut Judicii in carcerem Civilem conjicitur, in potestate eorundem, & non Civitatis permaneat.

neat; Fidejussoria autem cautione à carcere hujusmodi liberetur, nisi Causa fuerit Criminalis.

Et ut sub poena viginti florenorum Hungaricalium, quorum medietas Palatino, altera parti læsæ cedat, absq; ulla remissione persolvenda, Nobiles & eorum subditi, authoritate seu potestate Civili, non capiantur, detineantur aut arestantur.

Nec Nobiles autoritate propria capiant aut detineant Cives vel eorum subditos, sed unusquisq; coram Judice suo ordinario conveniatur, & Justiciam requirat, nisi in Casibus recentibus & Actionibus Criminalibus, prout pax perpetua disponit, statuens, quòd delinquens in loco delicti deprehensus, & contrahens de contractu recenti in loco contractus poterit conveniri.

Præterea, ne in fluminibus Terrarum nostrarum, Prussie ab antiquo navigabilibus quibuscunq; obstacula fiant, ut tam piscibus quàm navibus & lignis liber transitus permittatur; Bonis ac Juribus nostris Regalibus & quorumcunq; Privilegiis antiquis, & præscripta consuetudine, salvis.

Nobilibus autem, qui habent Privilegium piscandi in lacubus nostris Regiis, aut testibus fide dignis probare possunt, se fuisse in possessione piscandi, aut quorum limites aut ager stagnis nostris Regiis adjacet, his quidem piscatio permitti debet, sed parvis retibus duntaxat, ad usum & mensam eorum propriam, non autem ad vendendum, Ea tamen conditione, ut retia castrensia in hyeme primos habeant tractus, & quòd tempore, quando pisces, qui Germanicè Bressen (Polonicè Kliescz) vocantur, semen aut foetum emittunt, nulli liberum sit in lacubus nostris Regiis piscari, ne hujusmodi piscium,

foetura

foetura in augmentando impediatur, Sed nolumus per hunc Articulum Tenentis Bonorum nostrorum Regalium aliquod præjudicium generari, aut ipsis, seu quibuslibet aliis proprios lacus habentibus, vim aliquam inferri, quòminus iuribus suis & antiquis Privilegiis uti possent.

Et præterea, ut Ecclesiastici Bona terrestria Ecclesiis ascribenda & approprianda sive incorporanda, absq; speciali consensu nostro amodò non nisi à suis Vassallis emant, ne obsequia nobis ex ipsis debita intendant, Pro se verò privatim illa emere possunt, Quæ si in vita sua non alienaverint, aut cuiquam non donaverint, ad eorum propinquos & consanguineos devolvantur.

Civibus Bona Terrestria, & Nobilibus Civilia Bona liberum sit deinceps emere, Ita tamen, quòd ad paria onera utrinq; ferenda sint obligati, Quòd scilicet Civiles, ratione Bonorum Terrestrium, omnia Nobilitatis onera, & Nobiles, ratione Civilium Bonorum, omnia Civilia onera, æquis passibus ferant.

Nec amodò liceat rusticis feras in nemoribus venari, nec laqueos in sylvis & agris ponere, canes aut, retia venatoria habere: Alioqui in potestate dominorum sit bombardas, canes, & retia hujusmodi auferre, & pro qualitate excessus mandatum prævaricantes indecem marcis Domino fundi applicandis toties quoties punire. Exceptis fossis pro Luporum captura, quas, sine tamen cujusvis præjudicio, quilibet cum consensu dominorum suorum habere potest.

Simili modo nec Palatini, Capitanei aut Nobiles, alter in alterius fundo, absq; voluntate Domini fundi, venari, nec in sylvis feras domare aut cicurare debet.

I

quod

quod Klupffen vocant, sub amissione rerum, equorum & carruum.

Bombardis autem nemo omninò nec in propriis nec in alienis sylvis, sub poena Centum florenorum Hungaricorum irremissibiliter solvendorum, amodò utatur; cuius multæ medietas nobis, altera Ærario publico Terrarum Prussiæ, proveniat.

Et item, ut Palatini & Capiranci, quisq; in suo Palatinatu & Capitaneatu diligenter fines Terrarum observent, ne prædones & grassatores ingrediendo & egrediendo impunè grassentur.

Et præterea, ne rustici cum bombardis, cuspidibus, lanceis, gladiis, aut similibus armis, publicè aut privatim incedant, eaq; deferant, nisi ad venationem, aut publicam pacem tuendam, à Dominis & Potestatibus suis evocati fuerint: Scultetis etiam exceptis, quibus ob publicam functionem armatis esse liceat.

Ex quo etiam multorum querimoniis accepimus, quosdam Officialium nostrorum, præsertim Tucholienses, prætextu Mandati prohibitorii de investitione Salis peregrini in Pologiam, innocentibus, antequam finibus Terræ appropinquent, Salem adimere, Quod quia iniquum est sub gravi indignatione nostra prohibemus, ne de cætero cuiquam adimatur, nisi ultra fines transgresso.

Nobiles præterea districtus Schlochoviensis, instar rusticorum, ut ligna ad Arcem ducant, aut alia servitia rusticalia faciant, cogi nolumus, Sed antiquam consuetudinem servandum esse decernimus.

Cum etiam Mercatores, & præsertim peregrini sive exotici homines, in Nobilitatis ac Civitatum injuriam, pelles, frumenta, humulum, ceram, linum, & alia,

merci-

mercium genera, in villis ac pagis, clàm & publicè cō-
mere, & negotiationes illicitas exercere soleant, autho-
ritate nostra Regia firmiter prohibemus, ne id de cæte-
ro fiat, Statuentes, ut deinceps Subditi Dominorum,
merces & res suas vendibiles in Civitates juxta veterem
consuetudinem ducant, & in foro publico venales ex-
hibeant; legitima tamen Dominorum suorum, cum pelli-
bus ferarum & bestiolarum sylvestrium, ratione habi-
ta; Alioqui Emptoribus equos & currus, Venditori-
bus autem res venditas à Præfectis nostris adimi & con-
fiscari volumus.

Mandamus insuper, & ita omninò habere volumus,
ut Palatini debitores decimarum aratralium, & quorum-
vis Ecclesiasticorum proventuum Censuras contumaci-
ter sustinentes ad hujusmodi debitorum solutionem re-
mediis opportunis compellant, ne Ecclesiastici pro-
ventibus suis fraudentur.

Ea itaq; omnia & singula superiùs descripta, quæ
vel veterum Privilegiorum rationem continent, firma
& fixa, ut priùs, vel noviter ad publicum commodum
inventæ, rata & perpetua esse volumus. Harum serie
literarum, quibus & manum & sigillum nostrum appo-
nere curavimus. Datum Cracoviæ feria quinta post
festum Nativitatis Beatissimæ Virginis Mariæ proxima,
Anno ejusdem partus Millesimo, Quingentesimo, tri-
gesimo octavo, Regni verò nostri Anno trigésimo se-
cundo.

SIGISMUNDUS Rex Ist.

PRIVILEGIUM
D. SIGISMUNDI REGIS,
DE INSTANTIIS (QVAS VOCANT)
in Judiciis Terrarum Prussiae observandis.

SIGISMUNDUS Dei gratia Rex Poloniae, Magnus
Dux Lithvaniae, Russiae, Prussiae ac Masoviae etc.
Dominus & Haeres, Universis & singulis, in quorum
manus hae nostrae literae pervenerint, planum testatumq;
facimus, Quod cum & à Consiliariis, & à reliquis Ordini-
bus Terrarum nostrarum Prussiae, una omnium voce,
fuisset nobis supplicatum, ut tres tantum, non quatuor,
esse vellemus Judiciorum Instantias, ita ut à secunda in-
stantia recta ad Nos, non autem ad Consiliarios Terra-
rum nostrarum Prussiae, fieret Appellatio: Nos tan-
tum esse ea in re omnium Ordinum consensum videntes,
atq; illud unà considerantes, quod & Juris ordini ma-
gis congruit, & cum ipsis litigantibus, tum Consiliari-
is Terrarum nostrarum Prussiae minus est onerosum fu-
turum, quorum illi sumptu inutili, hi verò supervaca-
neo labore & molestia liberabuntur, si tres tantum Ju-
diciorum Instantiae observentur: Judicia Civitatum &
Oppidorum nostrorum Prussiae in hunc ordinem redi-
genda putavimus, ita ut praesentibus redigimus. Ma-
joribus in Civitatibus Terrarum nostrarum Prussiae a-
pud Judicium Scabinorum primam esse volumus Instan-
tiam, à quo ad Senatum, à Senatu recta ad Tribunal
nostrum Regium Appellationem fieri. In Minoribus
verò,

verò Civitatibus prima ut sit Instantia apud Judicium Civile, à quo, si litis æstimatio non excedat precium aut valorem quinquaginta marcarum Prutenicalium levis monete, possit fieri Appellatio ad Capitaneos & Prefectos locorum, & ibi fiat secunda Instantia, à quibus, cui visum erit, liceat appellare ad tribunal nostrum Regium. Ubi verò valorem quinquaginta marcarum, excefferit, fiat Appellatio à Judicio Civili ad Consiliarios Terrarum nostrarum Prusiæ, ut apud eos tunc secunda sit Instantia, à quibus rectà ad Regium Tribunal nostrum appelleretur.

Quod autem attinet ad Judicia Terrestria, maneat & servetur per omnia, ut est in Constitutionibus expressum.

Hunc Nos Appellationum ordinem inviolatè ab omnibus in Majoribus & Minoribus Civitatibus Terrarum nostrarum Prusiæ volumus observari, & mandamus, tertiam Instantiam apud Nos & non alibi esse debere præsentibus decernentes.

Harum, quibus Sigillum nostrum est appensum, testimonio Literarum. Datum Cracoviæ feria quarta in vigilia S. Matthæi Apostoli & Evangelistæ, Anno Domini Millesimo, Quingentesimo, quadragésimo secundo; Regni verò nostri Anno trigesimo sexto.

SIGISMUNDUS Rex st.

LEGATIO D. SIGISMUNDI REGIS AD
ORDINES TERRARUM PRUSSIAE,
*qua perspicuum est, eosdem Ordines, licet unum
sint cum Regno Corpus, diversa tamen habere Jura,
& ad auxilia contra quosvis hostium impetus ferenda
non esse asscriptos; Regiam quoq; Majesta-
tem Juribus Terrarum Prussiae nihil de-
tractum cupere. Anno DOMINI
M. D. XLII.*

Salute dicta & Gratia Regia in hanc sententiam Ora-
tor noster verba faciet. Deliberatum erat Sacrae
Majestati Regiae, quandoquidem non sine gravi animi sui
molestia toties id frustra egit, non amplius instare atque
urgere, ut pro officio suo Do. Vestrae Terrarum harum
Prussiae rationibus consulerent, quas impediri per non-
nullos intelligebat. Nam neq; personae dignitatisq; suae
id esse putavit incassum ea tentari, quae tot missis nun-
ciis, tot tam accuratis hortationibus & modò non ob-
testationibus obtineri haecenus non potuerunt. Cum
tamen non suae privatae utilitati, sed Reipub. Terrarum
istarum commodo, periculosissimis temporibus his, pro
boni Regis veriq; patriae parentis officio, prospectum,
voluerit, facile conjicere possunt Do. Vestrae, quando-
quidem tot jam legationibus nihil aliud postulatum est
per S. Majestatem Regiam à Do. Vestris, quam ut su-
am ipso-

am ipsorum & charissimorum pignorum, conjugumque
 suarum salutis curam susciperent, ut fortunas suas salvas
 vellent, ut tuendæ & defendendæ patriæ suæ rationem
 aliquam inirent, quo ferendum illi animo fuerit, nihil
 se tantopere instando atque urgendo proficere potuisse;
 poterat certè offensus animus eorū curam abjicere, quos
 ipsos sui curam priores abjecisse, suæque postulationis &
 paternæ admonitionis tam exiguam habuisse rationem,
 videbat. Sed quo est paterno erga suos animo, quaque
 est senili prudentia, etiamsi erratum ab his graviter vi-
 debat, quos liberorum loco charos habet, non ideo ta-
 men suum ab illis animum prorsus alienandum, neque cu-
 ram eorum posthabendam existimavit; Me ad Do. Ve-
 stras misit, ut, qui oculatus fui testis eorum, quæ proximo
 superiore Autumno ad Budam gesta sunt, qui modò
 non ipse interfui miserandæ cladi illi, quam à Turcis eo
 tempore Respub. Christiana majorem accepit, quam ut
 fando explicari queat, verbis Majestatis ejus Do. Ve-
 stras admonerem, ut animo secum diligenter reputarent,
 quantum in periculum non modò Ungaria & Germa-
 nia, verum etiam inclytum Poloniæ Regnum & Terræ
 istæ Prusiæ universæ ex hac tanta Christiani exercitus
 strage sint adductæ. Si fuit aliquando, nunc hora est
 maximè, nos de somno surgere: Appropinquavit enim
 ille, qui tanquam Leo circumiens quærit, quem devoret.
 Nullum sibi quidem indictum à quoquam & denunci-
 atum bellum habet S. Mtās Regia, quæ experientia,
 magistra didicit, nihil esse pace utilius, cujus nomen
 dulce, res est ipsa cumprimis salutaris. Semper itaque
 Mtās ejus à turbulentis consiliis abhorruit, neque irritan-
 dum atque armis lacessendum quenquam putavit, etiamsi
 lacepsi-

lacefsita neq; animum neq; vires sibi deesse ostendit., Christo conatus ejus adjuvante, ad vim cujusvis propulsandam, Ne nunc quidem alio est animo, quin potius in veteri more institutoq; suo perseverare statuit; sed ea videt esse tempora, quibus majora, quàm unquam antea, Regno ditionibusq; Majestatis ejus impendent pericula. Quare provocare ipsa neminem decrevit., Sed providendum esse nihilominus dubiis temporibus his censet, si quæ nec opinato vis alicunde major existat., quemadmodum ea propelli queat. Intelligit S. Mtās Regia, quæ sua sit, quæ hostium potentia, suis ipsa viribus non esse fidendum prospicit, sed Christi solius gratiæ & misericordiæ, qui vult nihilominus, si adjuvari à se velimus, ut & ipsi manus admoveamus. In hoc itaq; spe omni & fiducia collocata, non in curribus, non in equis, sed in solo nomine Domini nostri JESU CHRISTI, persuadet sibi S. Mtās Regia: si suorum omnium vires conjunctas habeat, etiamsi nulla adsint externa auxilia, posse se tamen, Christo Duce, quamlibet magnam hostium vim propulsare; Sed si solius Regni copiis id fieri posse, credat, metuit, ne tentare Dominum videatur. Quamobrem in hoc studium toto (quod ajunt) pectore incumbit, ut non modò Regni, verùm etiam omnium Terrarum ditionumq; suarum vires, contra vim aliquam majorem, conjunctas habere queat, A qua ratione cùm non abhorreere videatur Magnus Ducatus Lithvaniæ, qui tamen ad Regnum nequaquam pertinet, quantò magis æquum est, eandem ad rem suas Do. Vestras voluntates inclinare, quæ etiamsi Jura habeant diversa, idem tamen certè cum Regno Corpus sunt? Nihil est necesse repetere eadem, quæ antea quoq; dicta sunt Do. Vestris, & quæ

& quæ ipsæ pro sua prudentia facile perspiciunt, quàm facile sit dispersos vincere, quàm difficile in unum omnes congregatos. Si, quod Deus omen avertat aliquid de Regno actum esset, quæ spes reliqua Terris his esse posset? Hoc itaq; providendum est omni ratione, ut totum Regni Corpus, si quæ vis major sit, ei se opponat, adjunctis etiam eorum auxiliis, qui etsi ad Regni Corpus non spectant, eidem tamen Domino subsunt. Nihil est, quod hic Legum & patriarum Constitutionum, fiat mentio, quæ cum ad utilitatem Reipub. latæ sint, ad interitum ejus uti eis velle rationis non est. Non hoc postulat Sacra Mtās Regia, ut ad quemvis hostium impetum suas Do. Vestræ cum Regno vires jungant; nihil illa de Juribus Terræ hujus detractum cupit: Sed si usus veniat, quod tamen prohibere Divina misericordia dignetur, ut potentior aliquis hostis ingruat, Tum verò postulat Sacra Majestas Regia, ut tanquam ad commune incendium restringendum, communibus omnium viribus succurratur, Ne si de Legum literis disputare, quàm armis libertatem nostram tueri maluerimus, non modò jura nobis nostra eripiantur, sed nos etiam ipsi unà, & conjuges liberiq; nostri, partim vita fortunisq; omnibus evertamur, partim in duram servitutem captivi ducamur, Quæ omnia gratia sua & misericordia procul à nobis Deus avertere dignetur. Admoneat Do. Vestras infelicis Ungariæ casus, quæ, si conjunctis omnium viribus hostili potentia restitisset, nondum fortassis ad hanc calamitatem pervenisset, quam sine lachrymis nemo commemorare potest. Hoc unà secum reputent Do. vestræ, quæ fides Regi & Domino debeatur, quàm id indecorum, quàm parum honestum nobis

futurum esset, quàm à Nobilitate Virtutis; nostra prorsus alienum, Regem & Dominum nostrum, de nobis benè merentem, de Regno, deq; fortunis suis omnibus dimicantem deserere, neq; ei periclitanti omni ope nostra adesse. Non est, quòd Do. Vestra in id tempus consultationem hac de re rejiciant, quo armis potius, quàm consilio, opus futurum esset. Tempori providendum est, si & Regem nostrum & nosipos salvos esse volumus. Nam & hæc ipsa æstas, quæ instat, quid allatura sit, quis est, qui certo scire queat? Non modò Sereniss. Ro. Regi, sed & fratri ejus Imperatoriæ Majestati, graviter his temporibus fortuna est adversata, quæ non minorem, quàm ipse Serenissimus Ro. Rex, cladem accepisse certò nunciatur, qua ex re dubium non est quin creverint animi communi Christiani nominis hosti. Omnia itaq; formidat S. M^{te}s Regia, ac tempori prospiciendum suis esse putat. Quapropter in his ipsis Comitibus constituent jam tandem Do. Vestra, quibus copiis adesse Regno possint, si quis hostium fiat validior impetus. Ac, ne desint bellorum nervi, certam etiam pecuniam contribuendam decernant, qua conducere miles queat, si quid necessitas postulet.

Hæc sunt, de quibus agere me cum Do. Vestris S. M^{te}s Regia misit, quæ cum ejus generis sint, ut ad salutem earum quendam, ad fortunas conservandas pertineant, etiam atq; etiam pro paterno animo suo Do. vestras hortatur S. M^{te}s Regia, ne usq; adeò Reipub. suæ commodorum, neve suæ ipsius & liberorum conjugumq; suarum salutis oblivisci velint, ut salubribus his monitis S. Majestatis R. obtemperandum non putent; Meminerint potiùs, quid Principi suo, quid Patriæ suæ debeant, atq; ad illius utilitatem consilia sua omnia dirigant.

73
Quoniam verò allatæ sunt non pridem literæ ad
S. M^{te}m Regiam, à Serenissima Do. Maria Hungariæ
Regina, quibus postulat, ut ratio inveniatur, qua per
Serenissimum Dominum Dania Regem hominibus ejus
ultro citroq; tutò navigare liceat, Quod nisi curatum
sit, sibi necesse fore, ut aliorum Principum, ita nostris
quoq; Subditis navigatione interdicere. Harum lite-
rarum exemplum ad me missum Do. vestris profero, ut
posteaquam legerint, quid ea de re consilii capiendum
sit, S. Majestati Regiæ significant; quò commodis ha-
rum Terrarum prospiciatur, ut libera omnibus & segura
sit navigatio, etc.

Samuel Episcopus Plocen
& ViceCancell. ffit.

AD D. SIGISMUNDUM REGEM ORDINUM
TERRARUM PRUSSIÆ MISSA LEGA-
tio, qua petierunt, ut Privilegiorum literas, pro-
genitorum fide, virtute & sanguine partas, & ab
ipsis fide & conscientia non pejore hætenus possessas,
ratas inviolatasq; conservaret; Terrarum
tum temporis Præside vigilantissimo Re-
verendissimo Domino Tidemanno Gi-
sio Episcopo Varmien. Anno Do-
mini M. D. XLVIII.

IN magna perturbatione Anno superiore, Serenissi-
me Rex, constituti S. Majestatis V. subditi Consi-
liarii

liarii Terrarum Prussiae, cum eorum Jura & Privilegia, solito acrius oppugnarentur, collato consilio cum cæteris illarum Terrarum Statibus, nos ex singulis quibusq; Ordinibus delectos ad Sereniss. Mtē V. designaverant Oratores. Quoniam verò ejusmodi videbatur esse causa, quæ Majestatis Regiæ animum perplexiorem reddere posset, si sine mediatore commodo apud ipsam ageretur, censuerunt prius Legationis nostræ rationes omnes S. Majestatis V. Filio, Regi & Domino nostro clementissimo, ad quem totius negotii pondus perventurum erat, exponendas esse.

Missi igitur in Lithvaniæ Ducatum, cuncta ad ejus Mtē retulimus, quæ apud S. Mtē V. agenda nobis essent, quorum omnium exempla atq; ipsam instructam Legationem cum non ignoremus ad Majestatem V. transmissam fuisse, nolumus nunc iterata illorum recensione auribus Majestatis V. duplicato tædio esse molestiores. Ne tamen fides desit relatis, ipsum Legationis autographum V. Majestati, quandocunq; jussit, exhibere parati sumus: Interim alterum ipsius exemplum, per opportunitatem coram Majestate V. recitandum, offerimus, humiliter eam precantes, dignetur hæc non certandi studio, sed supplici & syncera fide, nec citra necessitatem proposita, in benigniorem partem interpretari, ac pio, ut solet, affectu in animum admittere.

Quoniam verò nobis & fratribus nostris plus præsidii est in naturali illa clementia & æquitate Majestatis V. quam in contentiosa verborum & argumentorum explicatione, ipsas Privilegiorum literas, quibus nitimur, publica fide exceptas, reponimus & prosternimus
ad pe-

ad pedes Majestatis V. cui potestas est vel conculcare,
 illas, si id commeriti sumus, vel rata inviolataq; conser-
 vare ea, quæ solenni pactorum foedere recepta sanctæ,
 ac non solum clarissimæ memoriæ CASIMIRI Regis
 parentis, sed ipsius quoq; Majestatis V. & plurimorum
 procerum, hujus Regni Senatorum, quorum nepotes
 & cognati adhuc supersunt, sigillis & sponsonibus sta-
 bilita esse, hæc, quæ hic coram Majestate V. in prospe-
 ctu jacent, clarissimè testantur. Quæ omnia proge-
 nitorum nostrorum fide, virtute & sanguine parata, cum
 à nobis posteris fide & conscientia non pejore sub M^{is}
 vestræ tutela hætenus possideantur, Nos nomine dicto-
 rum Statuum ac omnium Majestatis V. subditorum, Ter-
 ras Prussiae incolentium, tam Spiritualium quàm Secula-
 rium, tam adultorum quàm à maternis uberibus penden-
 tium, quorum omnium una libertatis agitur causa, una
 concussionis manet asperitas, ad pedes S. Majestatis
 V. humiliter provoluti, per adorandam gloriam divi-
 næ Majestatis, sub cujus conspectu acta & gesta sunt,
 hæc omnia, per Domini nostri Jesu Christi preciosum
 pro nobis effusum sanguinem redemptionis, istorum no-
 strorum foederum conscium, per venerandum nomen
 & honorem Divi CASIMIRI genitoris Majestatis V. qui
 omnium illorum fuit dux, præses & author, per ipsius
 quoq; Majestatis V. regalem hunc thronum, & sacrum
 Regni Diadema, sub cujus protectione hætenus susten-
 tati utcunq; respiramus, per deniq; altissimam illam Ma-
 jorum nostrorum fidem, qua se & salutem suam, con-
 juges & liberos, fortunas & facultates suas omnes Divo
 parenti Majestatis V. & inclito huic Regno ultrò credi-
 derunt, Oramus & humiliter obsecramus M^{tem} vestram,
 K 3 ejusq;

ejusq; pietatem ac Orbi celebrem fidem obtestamur, ne
 sinat hanc gloriosam senectutem dejici à conscia servatæ
 semper justitiæ erga omnes, ac à præconio illo Regalis
 constantiæ & moderationis, quo totius Orbis Monar-
 chas hætenus antecellit, Nec permittat, nos toto spi-
 ritu & anima sibi subjectos deturbari à libertate illa,
 quam à Majestate V. & ejus Divo parente acceptam,
 hæreditariam in nos patres nostri transfuderunt, Qua
 præter commeritum privari, non potest nobis vitæ &
 facultatum destitutione esse minùs acerbum.

Commoniti autem usu & experientia invictæ clemen-
 tiæ & æquitatis Majestatis Vestræ, firma sumus spe, Ma-
 jorum nostrorum fidem & merita, ac in nos propagatam
 fidelitatem apud ipsam Majestatem vestram digna haberi
 æstimatione, ac propterea nos & dictos Status sub
 gratia & protectione ejus ab hac infestatione deinceps
 fore tutos, restauratis his, quæ hætenus ab integritate
 sunt convulsa, quod devotissimè iterum supplicamus.
 Provocabit hac benignitate Mtās V. animos subdito-
 rum ad flagrantiora fidei & devotionis obsequia, ac sibi
 Serenissimoq; Filio suo laudem hanc conservatæ Justi-
 tiæ apud posteros indicibilem & sempiternam constitu-
 et. Non dubitamus, Serenissime Rex, Sacra Mtās ve-
 stra dignabitur nostris his humilimis nec inhonestis,
 imò & necessariis supplicationibus gratiosam aurem
 præbere, nosq; clementer exauditos, ac sibi devotissi-
 mè commendatos, ad fratres nostros lætos nuncios re-
 mittere.

77

SUPPLICATIO EORUNDEN LEGA- TORUM, OBLATA REGIÆ MA- *ſati Die XXIII. Januarii*

Sereniſſime Rex, dignabitur Mtās Veſtra in memo-
riam revocare, nos nuper nomine omnium Statuum
Terrarum Prusiæ ad pedes Maieſtatis Veſtræ provolu-
tos non aliud petiſſe, quàm proprium Regiæ Celiſtudi-
nis officium, ut Jura & Privilegia noſtra, quorum exem-
pla ad pedes Maieſtatis V. collocavimus, nobis integra
fide ſervarentur, Ea ſanè Privilegia, quæ ob excellen-
tiſſima Majorum noſtrorum merita à Sereniſſimis Polo-
niæ Regibus conſeſſa, nobis poſteris hæreditaria ſuc-
ceſſione ſunt per manus tradita. Quæ quamvis in col-
latione Dignitatum, Officiorum & Præſecturarum no-
minumq; fuerint cum injuria noſtrorum interrupta, ta-
men à Maieſtate Veſtra Thorunii nuper fuerunt in plu-
rimorum Regni Senatorum præſentia reintegrata & in-
novata, multis ſubſecutis promiſſis Regio Sigillo & Ma-
nu firmatis, de non admittendo deinceps ſimilium eru-
ptionum eventu. Id verò quem in modum ſit nobis
conſervatum (quod multo gemitu referimus) præſenti-
um temporum caſus oſtendit, quo non ſolum conatum
& ſtudia adverſariorum in occupandis noſtris Juribus
acerrima, ſed etiam ipſos jam occupatores nobis inſul-
tantes oculis cernimus. Ad quas reprimendas & tol-
lendas injurias ſi non moverint animum Maieſtatis V.
ſupplices preces noſtræ, tam religioſæ obteſtationes di-
vini

vini nominis ac passionis Domini nostri Jesu Christi;
 non habemus in mundo reliquum aliquid præsidii aut
 intercessionis; his nobis adversantibus, qui votorum
 nostrorum adstipulatores meritò esse deberent. Re-
 vertimur igitur ad unicum illud remedium supplicatio-
 nis nostræ, per ipsius Dñi nostri Jesu Christi sacratissi-
 mam mortem, unicum hoc petentes, quod toties repe-
 tere coram Majestate Vestra pudor nos cohibet, ac hoc
 ipsam etiam pro nostra fidelium Consiliarios fide
 consulentes, ut cuiq; jura sua salva maneant. Quæ
 cum sit actionum nostrarum summa, obsecramus, ne
 diutius nos M^{tes} vestra in hac ambiguitate sustineat, sed
 petentibus nobis respondere dignetur, volet an non vo-
 let Privilegia nostra integra nobis conservare & manu-
 tenere, simulq; nobis integra restituere, quæ contra
 Privilegia nostra sunt alienata, ac se ipso aliquo hanc
 suæ voluntatis declarationem nobis attestari, ut de actis
 nostris & hujus Legationis nostræ successu fidem fratri-
 bus nostris facere liceat, ac omnibus Majestatis Vestræ
 subditis referre, quæ ipsis restet libertatis spes & condi-
 tio. Non enim, Serenissime Rex, propterea huc mis-
 si sumus, ut de Statu & Libertatibus nostris judicio con-
 tendamus cum quoquam; minimè verò, ut eorum sube-
 amus cognitionem, quorum superioritatem non agno-
 scimus, sed quorundam ex illis adversitatem experi-
 mur. Negocium nobis cum nemine est, nisi cum S.
 Majestate V. quæ ut pacta & conventa ac toties pro-
 missa servet, divino & humano jure nobis est obligata.
 Nos partes nostras exegimus humilitatis & supplicitis
 debitæ, nec spem deponimus, quin S. M^{tes} V. justitiæ
 rationibus devicta, ea, quæ à nostris Privilegiis, maxi-
 me in

mē in Castrorum & Præfecturarum alienatione hæc-
 nus sunt avulsa, nobis hic præsentibus restaurare digna-
 bitur, ratione aliqua reperta, qua his Dominis, qui In-
 scriptiones novas utcunquē super his obtinuerunt, pro
 præstitis serviciis compensatio aliqua citra nostram inju-
 riam fieri possit: Interim etiam proviso, ut Generosus
 Dominus à Bayßen Castellanus Elbingen ob insignia
 merita progenitorum suorum liberè fruatur Inscriptio-
 nibus, quas super Castro Mewen à Mtē V. obtinet,
 ante quarum exitum deturbare illum Dominus Palati-
 nus Plocen conatus est, de qua inconcessa licentia ex
 Terris Prussiae plerique exacerbati ad nos scripserunt;
 nec parum nos quoq; afflixit, quòd hæc, nobis hic apud
 Mtē V. ad ejus vocationem præsentibus, præter spem
 & opinionem admittuntur. Dignetur autem Sacra-
 Majestas V. his omnibus rebus Regia benignitate ita
 prospicere, ne cum mœrore & pudore ad fratres nostros
 reversi, majorem etiam ipsis mœrorem afferamus, Ac-
 ceptura pro hoc Justitiæ merito, præter divinæ gratiæ
 pensationem, etiam hujus afflictæ nobisq; dolendæ va-
 letudinis suæ optatam laxationem: A nobis verò con-
 solatis subditis suis, quæ inde commoda sibi Serenissi-
 moq; Filio suo proventura sint, pro sua incomparabili
 prudentia, ipsa æstimabit.

Ejusdem S. Mtis V.

Subditi

Legati omnium Statuum
 Terrarum Prussiae unà cum
 Equestri Ordinis & Civita-
 tum Minorum Nunciis.

L

LITE.

LITERÆ D. SIGIS-
 MUNDI AUGUSTI RE-
 GIS, QUIBUS SE DEBITUM JUSJU-
randum præsuisse, & ita Serenissimi Parentis pro
se datam fidem liberaſſe ſignificat, & ſolemniter car-
vet, quòd poſt obitum Patris nemo Subditorum pare-
re debeat, niſi priùs ipsis omnia Jura & Privilegia
tam publica quàm privata, & quaſvis Literas, Li-
bertates, & Immunitates, à Majoribus ſuis donatas,
& à Sereniſſimo Parente adhuc donandas &
conſtituendas, literis ſuis confirmaverit,
& juxta continentiam & tenores ea-
rundem in debita executione
poſuerit.

SIGISMUNDUS AUGUSTUS Dei gratia Rex Polo-
 Sniū, Magnus Dux Lithvaniæ, Ruſſiæ, Pruſſiæ, Ma-
 ſoviæ, etc. Dominus & Hæres, Significamus teſtatumq;
 facimus univerſis & ſingulis cujuſlibet Ordinis, Dignita-
 tis atq; conditionis hominibus, Quum Conſiliarii Re-
 gni noſtri Poloniæ, ſingulari quãdam propenſione er-
 ga Sereniſſimum Parentem noſtrum Dominum Dñm SI-
 GISMUNDUM ejus nominis Primum Regem Poloniæ, &
 erga nos proſapiamq; noſtram univerſam adducti, An-
 no abhinc ſeptimo nos Regem Poloniæ deſignarent, ei-
 demq; Regno, obedientiæ & fidelitatis jurejurando nobis
 dato, nos inaugurarent, recepit eis pro nobis & ſpon-
 dit, &

dit, & literarum monumentis consignatis cavit idem
 Serenissimus Parens noster, quo volente & adjuvante
 hæc fi ebant, minimè teneri eos jurejurando suo, quod
 nobis præstitissent, nec imperio nostro parere debere, nisi
 nos ipsis vicissim juraremus, Nos omnia Jura, Privilegia,
 libertates, literas & immunitates justas & legitimas, ejus-
 dem Regni nostri Ecclesiasticas & Seculares, quibusvis
 Ordinibus & hominibus, nemine excepto, à Majoribus
 nostris Regibus Poloniae, præsertim autem à Divo Casi-
 miro antiquo, Ludovico, Vladislao Proavo, Vladis-
 lao magno Patruo, Casimiro Avo, Joanne Alberto &
 Alexandro patruis, & Serenissimo Sigismundo Primo
 Patre nostro donatas, omninò ratas habituros esse, ser-
 vatuos & defensuros, omniaq; iniquè ab eodem Regno
 abalienata atq; distracta pro viribus nostris recuperatu-
 ros, & ad unionem Regni aggregatuos, nec imminu-
 tuos fines ejusdem Regni Poloniae, sed auctuors potiùs
 prolaturuorsq; quoad poterimus, atq; id jusjurandum ut
 tum denique daremus, cum adultiorem ætatem attigis-
 semus, hoc est, cum quindecimum ætatis nostræ annum
 egressi essemus, Verùm ea lege tamen, ut nihilominus
 universa ejusdem Regni Poloniae potestas, imperium &
 jurisdictio penes Serenissimum Parentem nostrum esset,
 quoad is viveret. Id verò tempus præscriptum quum
 advenisset, juravimus publicè in summo templo in Ar-
 ce Cracoviensi, quarta die Februarii anni præsentis,
 verbis conceptis ad Sancta Dei Evangelia, in eam sen-
 tentiam, cujus suprà meminimus, & Serenissimi Pa-
 rentis nostri fidem pro nobis datam liberavimus. Cæ-
 teruò ut pactis illis & conditionibus quibus ad nos Re-
 gnum delatum est, stemus, & ne idem illud Regnum no-

frum ullis turbis atque difficultatibus involveremus;
 memores primorum beneficiorum, ceterosq; nostros atq;
 benevolentiae singularis erga nos omnium nostrorum
 Subditorum, recipimus, spondemus ac Regio nostro
 verbo pollicemur. Primum, omnia nos, quaecunq; ju-
 ravimus, omnibus Subditis nostris Incolis Regni Polo-
 niae, cujuscunq; Ordinis & conditionis fuerint, absque
 ulla controversia, servare, defendere, & exequi velle.
 Deinde, nihil nos imperii neq; Jurisdictionis in eodem
 Regno, vivente Serenissimo Patri nostro nobis esse u-
 surpaturos, neq; coacturos quenquam invitum & recu-
 santem voluntati jussisq; nostris parere, Sed in ejusdem
 Sereniss. Parentis nostri potestate, quoad victurus est,
 omnia nosq; ipsos etiam futuros esse. Postremo, post
 obitum etiam, qui utinam serò contingat, Sereniss. Pa-
 tris nostri, neminem praedictorum Subditorum nostro-
 rum nobis parere debere, nisi prius ipsis universis omnia
 Jura & Privilegia, tam Regni nostri Poloniae & ditio-
 num ejus communia, quam privatarum personarum aut
 locorum quorumcunq; privata, & quasvis Libertates,
 Literas & Immunitates, à supramemoratis Majoribus
 nostris donatas, quaeq; deinceps adhuc à Serenissimo
 Patri nostro, quamdiu vivet, donabuntur & constitu-
 entur, literis nostris confirmaverimus, atq; juxta con-
 tinentiam & tenores earundem in debita executione po-
 fuerimus. Quae omnia libenter pro viribus nostris fa-
 ciemus & exequemur. Quod ut certum firmumq; sit, si-
 gno nostro, quo nunc utimur, literas hasce consignavi-
 mus, & manu nostra subscripsimus. Datum Cra-
 coviae sexta Februarii. Anno Domini Millesimo, Quin-
 gentesimo, Trigesimo septimo.

DECLA-

DECLARATIO

JURAMENTI D. SIGIS-

MUNDI AUGUSTI REGIS, REGNO

Poloniae praesiti; illud ad Terras quoque Prussiae pertinere, illasque cum suis Subditis in illo esse comprehensas.

SIGISMUNDUS AUGUSTUS Dei gratia, REX Poloniae, Magnus Dux Lithvaniae, Russiae, totius Prussiae, Masoviae &c. Dominus & Haeres, Significamus praesentibus literis, quorum interest, universis, Quoniam in dubium vertitur, an Jusjurandum nostrum, quod Anno Millesimo, Quingentesimo, Trigesimo septimo solenniter praestitimus, Status quoque & Subditos Terrarum nostrarum Prussiae comprehendat, cum ad Status tantum Regni Poloniae videatur adstrictum, de aliis Dominiis ipsi Regno incorporatis nulla mentione facta: Nos pro liberatione fidei Divi Parentis nostri, & securitate Terrarum nostrarum Prussiae, praesentibus declarare & interpretari hoc nostrum Juramentum, bona fide dicimus & affirmamus, nostram intentionem, & mentem, tunc cum juravimus, fuisse, nec alio sensu à nobis intellectum esse, quam ut ipsum Juramentum etiam ad Terras Prussiae pertineret, ipsaeque Terrae cum suis Subditis in illo essent comprehensae, uti & comprehensos volumus & interpretamur. Harum testimonio literarum, quibus Sigillum nostrum est impressum. Datum Piotrkoviae pridie Epiphaniae Domini in Convention-

tione Regni Generali, Anno Domini Millesimo. Quin-
 genesimo, Quadragesimo nono, Regni nostri XIX.

Samuel Episcopus Cra-
 covien & R. P. Can-
 cell. st.

Relatio Reveren in
 Christo Patris Domini
 Samuelis Episcopi Cra-
 covien, & Regni Polo-
 niae Cancellarii &c.


F I N I S.




trin-
IX.


in
ni
ra-
lo-

BIBLIOTHECA
UNIVERSITATIS
ORACONENSIS





Biblioteka Jagiellońska



stdr0024883

